



09715

岱覽卷第九

泰山書院院長陶山唐

仲冕六幕輯

分覽一

岱頂中

大觀峯當絕頂之南上勒分書彌高亦曰彌高巖巖壁平削南向唐開元勒隸書御製紀太山銘世稱磨崖碑高二丈九尺廣丈六尺七寸額高三尺九寸廣四尺銘字徑五寸額字徑尺有九寸玉海云宋太宗時宋白知兗州召還泰山有唐元宗刻銘白摹本以獻且述承平東人望幸之意卽此碑也巖巖有大小懸鼓石以狀名碑前左東嶽廟從征記所謂太分覽一

岱覽卷第九

岱頂中

一

果克山房

山上廟也元張志純拓建明嘉靖闕巡撫曾銑重修今

皇上賜額資始惟元又曰上廡蒼昊廟簷東偏有明萬歷甲寅年所刻五嶽真形圖碑右桃花洞裂天泉雲水池夾之泉甘澹異於諸泉西壁連巖曰雲峯故明林焯毀唐朝覲頌殘碑也康熙甲子恭勒

御題雲峯下方及西側摩勒今

皇上御製詩三章峯上峙一石高丈所陽勒一拳石陰勒聰明正直儻窪類真形圖所肖東嶽俗謂之真泰山大觀峯東壁西南向宋磨崖殘碑在焉今爲德星巖

唐登封降禪朝覲頌碑。右碑乾封元年李安期撰行書

在今雲峯上明州牧林焯以忠孝廉節四大字鑿毀猶存
波擾五嶽塵飛深入反陷重圍動想神京結陣則浮雲未
巢王元吉委鎮策而地置州縣兼神初基未遑西畧懇構
兩開玉帳楊魏竊弄神靈規亨籠霄之碧建德旌累捷而
致雙擒眇六年閒未方勞誓牧冠九天志清八表英威迅
其嘗捨於弊俗於龍英玉帛樽百字旁有嘉靖元年三月
七日衢九字蓋明方豪題名也今竝此亦佚矣諸志稱林
焯毀蘇頲東封頌然此百字皆非頲語搨本存聶欽則又
未知頲頌誰毀也蒙案唐車鼻可汗傳高宗旣遣高侃車
鼻可汗裂其地爲郡縣以酋長爲都督刺史帝封禪都督
分覽一

岱覽卷第九

岱頂中

二

果克山房

葛邏祿叱利等二十餘人皆從至太山下已封請勒名於
封禪碑會要云突厥于闐等十一蕃長扈從又高麗王高
藏遣子男從封泰山又流鬼傳有僭罪者麟德中酋長來
朝從封又契丹酋長邵固與諸蕃長皆從行在此碑大約
敘述武功諸蕃夷當竝列名於後也

劉仁願題名文曰□□衛將軍魯城縣開國公上柱國劉
仁願潁川郡夫人陳□□□出身□□二男懷瓚任宏文
館學士女一人新婦竇二新婦于乾封元年二月十九日
□記。右真書勒今雲峯西側上有嘉靖癸丑吳天壽題
名大書掩刻致有損泐

奉勅投龍璧題名。右乾封元年二月勒桃花洞口東向
字本模糊加以右方有明嘉靖二年龍池高誨刻字掩其
上僅可得其年月及職官姓名之可辨者有宮府寺丞掾
校造封禪行宮門整備大使等官又有行內府主簿王知
敬西臺主書王行貞後有奉勅投龍璧於介邱蓋當時從
封諸臣設醮山頂有投龍瘞璧之事卽所謂祭山川曰薶
沈也新唐書王友貞傳云父知敬善隸書武后時仕爲麟
府少監蓋卽此題名之王知敬也又職官志龍翔改中書
省爲西臺其屬中書舍人下有主書四人卽此西臺主書
也

分覽一

岱覽卷第九

岱頂中

三

果克山房

紀太山摩崖碑文曰紀太山銘。御製御書。朕宅帝位
十有四載顧惟不德慙於至道任夫難任安夫難安茲朕
未知獲戾於上下心之浩蕩若涉於大川賴上帝垂休先
后儲慶宰衡庶尹交修皇極四海會同五典敷暢歲云嘉
熟人用大和百辟僉謀唱予封禪謂孝莫大於嚴父謂禮
莫尊於告天天符旣至人望旣積固請不已固辭不獲肆
余與夫二三臣稽虞典繹漢制張皇六師震疊九寓旌旗
有列士馬無譁肅肅邕邕翼翼溶溶以至於岱宗順也爾
雅曰泰山爲東嶽周官曰兗州之鎮山實惟天帝之孫羣
靈之府其方處萬物之始故稱岱焉其位居五嶽之伯故

稱宗焉自昔王者受命易姓於是乎啟天地薦成功序圖
籙紀氏號朕統承先生茲率厥典實欲報元天之眷命爲
蒼生之祈福豈敢高視千古自比九皇哉故設壇場於山
下受羣方之助祭躬封燎於山上冀一獻之通神斯亦因
高崇天就增廣地之義也乃仲冬庚寅有事東嶽類於上
帝配我高祖在天之神罔不畢降粵翼日禪於社首侑我
聖攷祀於皇祇在地之神罔不咸舉暨壬辰覲羣后上公
進曰天子膺天符納介福羣臣拜稽首千萬歲慶答歡同
陳誠以德大渾叶度彝倫攸敘三事百揆時乃之功萬物
由庚兆人允殖列牧眾宰時乃之功一二兄弟篤行孝友

分覽一

岱覽卷第九

岱頂中

四

果克山房

錫類萬國時惟休哉我儒制禮我史作樂天地擾順時惟
休哉蠻夷戎狄重譯來貢累聖之化朕何慕焉五靈百寶
日來月集會昌之運朕何感焉凡今而後儆乃在位一王
度齊象法推舊章補缺政存易簡去煩苛思立人極乃見
天則於戲天生蒸人惟后時又能以美利利天下事天明
矣地德載物惟后時相能以厚生生萬人事地察矣天地
明察鬼神著矣惟我藝祖文攷精爽在天其曰懿余幼孫
克享上帝惟帝時若馨香其下丕乃曰有唐氏文武之曾
孫隆基誕錫新命纘戎舊業永保天祿子孫其承之余小
子敢對揚上帝之休命則亦與百執事尙綏兆人將多於

前功而愆彼後患一夫不獲萬方其罪予一心有終上天
其知我朕惟寶行三德曰慈儉謙慈者覆無疆之名儉者
崇將來之訓自滿者人損自謙者天益苟如是則軌迹易
遵基構易守磨石壁刻金記後之人聽詞而見心觀本而
知末銘曰惟天生人立君以理惟君受命奉天爲子代去
不畱人來無己德涼者滅道高斯起赫赫高祖明明太宗
爰革隨政奄有萬邦罄天張宇盡地開封武稱有截文表
時豈高宗稽古德施周溥茫茫九夷削平一鼓禮備封禪
功齊舜禹巖巖岱宗衍我神主中宗紹運舊邦維新睿宗
繼明天下歸仁恭己南面氤氲化醇告成之禮畱諸後人

分覽一

岱覽卷第九

岱頂中

五

果克山房

緬余小子重基五聖匪功伐高匪德矜盛欽若祀典不承
永命至誠動天福我萬姓古封太山七十二君或禪奕奕
或禪云云其迹不見其名可聞祇適文祖光照舊勳方士
虛誕儒生齷齪佚后求仙誣神檢玉秦災風雨漢污編錄
德未合天或承之辱道在觀政名非從欲銘心絕巖播告
羣岳。大唐開元十四年歲在景寅九月乙亥朔十二日
景戍建。右碑額同題竝八分書惟御製御書四字及年
月字真書差小王世貞記云穹崖造天銘書若鸞鳳翔舞
於雲煙之表爲之色飛石墨鐫華云文詞雅馴而分隸道
逸婉潤最爲得意之筆朱彝尊跋云莊周稱易姓而王封

泰山者七十二家勒石千八百餘處歷千萬禩而石臧玉
牒後莫得見其形兆果明神爲之守護邪祖龍肇始立碑
久已埽迹兩漢迄唐開世一修時邁之典開元天子允文
武百寮之請于十三年冬十一月式遵故實有事於泰山
詔中書令張說右散騎常侍徐堅太常少卿韋縉祕書少
監康子元國子博士侯行果於集賢院撰儀注己丑日南
至法駕詣山下御馬以發行升中之禮天子製紀太山銘
親札勒於山頂之石以十四年九月景戌告成於是中書
令張說撰封祀壇頌侍中源乾曜撰社首壇頌禮部尙書
蘇頲撰朝覲壇頌趙明誠金石錄目載泰山銘側有題名
分覽一

岱覽卷第九

岱頂中

六

果克山房

三列今已亡之而頲頌授梁昇卿書刊御製銘石明有俗
吏以忠孝廉節四大字鑱其上頲文毀去者半可憾也碑
銘典雅或是燕許手筆而御書道勁若怒猊渴驥羈束安
閒不比孝經多肉少骨若唐隸盡如此何慚漢碑碣乎山
高四千九百丈二尺行旅出於塗者車前馬首仰視畧可
覩歲在己酉五宿茲山之麓未克叩天關陟環道手摸其
文詢之野老必架木緣絙而上然後椎拓可施又山高多
風兼慮日曝紙幅易裂若是其難也曩者先後裝界三本
悉爲好事者所奪己丑夏同里沈秀才翼能分書獲此本
於白下雖有闕文乃百年以前舊搨爰審定而書其本末

於冊尾銘書隋作隨書繹繹作奕奕有曰自今而後傲乃
在位將多於前功而忘彼後患豈意天寶之亂近在目前
也乎泰山圖志云碑刻舊填金泥元時錯落猶有存者見
杜仁傑記今雖歷久殘缺然每當晴朗時自南數十步外
望之猶若字裏行間光彩照灼也武虛谷云舊唐書禮儀
志元宗製紀泰山銘御書勒於山頂石壁之上者是也今
以其文與志參校朕宅位十有四載碑作宅帝位若涉大
川碑涉字下多於字宰相庶尹碑相作衡禮莫盛於告碑
禮字上多謂字告字下多天字震讐九寓碑作震豐以至
岱宗碑至下多于字實萬物之始碑作實惟天帝之孫羣
分覽一

岱覽卷第九

岱頂中

七

果克山房

靈之府其方處萬物之始爲蒼生而祈福碑而作之呼萬
歲碑呼作千慶合歡同碑合作答迺陳誠以德碑無迺字
懿爾幼孫碑爾作余刻金石碑石作記冀後人之聽詞而
見心碑無冀字又作後之人衛我神主碑衛作衍中宗紹
運舊邦惟新碑於此下多睿宗繼明天下歸仁二句或禪
亭亭碑亭亭作奕奕儒書不足碑不足作齷齪案文之異
者容所據見或有不同若銘列祖而獨遺睿宗則下文恭
已無爲正以睿宗禪位爲詞若接屬中宗義便不相屬又
儒書齷齪蓋指議封禪儒生所錄故以齷齪之作史者
嫌其過詆儒書遂刪易以不足當之斯不達其旨矣銘後

題開元十四年敘又作十四載年載通稱互文非如天寶
元年改年爲載始有專名也蒙案碑共二十五行每行五
十一闌上帝字別起平上他如先后藝祖等字空六闌至
三四闌不等顧炎武謂唐碑遇帝號空三格亦未盡然矣
又我高祖我聖攷我藝祖空格皆我字連下以其意義相
屬也今世則以爲謬矣其第三行至第二十三行每行近
地六七字形似小異且泐損王世貞云其下三尺許爲擲
碑者冬月燬火蝕之遂不全舊濟南府志云碑下截剝落
葉彬補書百八字又乾隆初邑人大學士趙國麟以舊本
重摹補之然其神理則少遜矣全祖望鮎埼亭碑跋云開

分覽一

岱覽卷第九

岱頂中

八

果克山房

元紀泰山銘摩崖刻之前明俗吏更以忠孝廉節四大字
鑱其上舊文爲所毀者半余求得范侍郎天一閣所藏完
本豈非百朋之珍乎今案碑尙完好明俗吏鑱者非此碑
謝山固未曾親至崖下耳

從封諸王從臣題名。右小字八分書在紀泰山銘西側
武虛谷云題名石刻向未經人著錄故流傳絕少前明嘉
靖間數妄人鐫刻大字橫貫交錯唐刻遂湮蝕僅有存矣
擇其可識者有臣憲字另行有岐王臣範字下空一格有
太子字依稀有業字司空邠字另行王臣洽字、字另行
有臣清字延王臣因字另行有王臣沐字永王臣澤字太

子□□事員外字另行有正員嗣韓王訥字宗正卿員外
置同正員字另行有王臣字另行有軍嗣王臣字嗣□
臣字另行正卿員外置同正員嗣鄭王字另行有員外置
字餘不可見今以舊唐書傳紀證之憲睿宗長子讓皇帝
憲也岐王臣範者睿宗第四子本名隆範後避元宗連名
改單稱範睿宗踐祚進封岐王太子下空五格是業字業
睿宗第五子本名隆業後單名業睿宗卽位進封薛王開
元八年遷太子太保是空處當作太保薛王臣也司空邠
案章懷第二子名守禮神龍中遺詔進封邠王先天二年
遷司空後以開元二十九年薨是司空邠字官封雖殘未

分覽一

岱覽卷第九

岱頂中

九

果克山房

全見知爲守禮也据元宗紀開元十三年二月丙子改幽
州爲邠州此刻於十四年作邠字從新改爲文王臣洽十
三年三月邠王嗣眞改名洽卽其人臣清元宗第十八男
清封爲壽王也延王臣下殘字案元宗第二十男洄封爲
延王新唐書亦作洄延王本傳作洄据石刻殘字因當從
洄爲定王臣沐元宗第二十一男沐封爲盛王是王字上
缺文當作盛也永王臣澤元宗第十六男澤封爲永王皆
以十三年封金石刻所記與史合嗣韓王臣訥宗室世系
表有嗣韓王太僕卿訥嗣鄭王下缺表有小鄭王房嗣王
遂州刺史璫後於明大字題名內鑽空見一臣盧毓秀名

蒙古字內存一開國口李仁德名又有書門下口口事上
柱國臣李元口又有陸去泰劉崇熙劉大雅王敬之諸名
案李元下缺字當作紘紀於十四年四月丁巳戶部侍郎
李元紘同中書門下平章事本傳及宰相表竝同今石刻
有書門下口口事字正其同中書門下事時也元紘銜已
至四月可知刻石又當後於此矣

東封朝覲壇頌碑文曰封祀之山五在中國秦嶽首之昊
穹之命再集巨唐皇帝受之臨位十四年攷虞氏歲巡之
義諷周王時邁之什十月辛酉步自有洛十一月景戌帳
殿齋於岳趾淵默以清繹思而照將紀功布度順斗承天
分覽一

岱覽卷第九

岱頂中

十

果克山房

精享也已丑宏觀軼區宇盛儀振開闢高臨建鳳萬隊張
皇以燭山上御飛龍百神翕習以扶道國台二藩后四髦
士密侍信臣高位扈封臺列升陞不下五十以聖言冲逸
瑤牒寶書誓之旨曰朕護守丕業恐不克駿命惟上帝儲
休錫蒼生無疆之慶朕之慶也古則祕之何哉屬寒馳迅
飈露清終夕若埽若鋤晏然而已庚寅天官次錄王制協
時嚴高祖以配之嗣高宗以陟之冕裘立珪璧序潔疊俎
調鐘呂倨勾於篋簾憂擊乎祝敢實駢瑞兮物焜煌空薄
霄兮音容與則纖塵不動和氣充塞日在於觀天爲之門
揚日大光謂小天下昭以抱戴見之卿霽郁郁紛紛喜氣

烟燼當芝檢引紫熏太紫洞而三辰接鬱蒼搖而萬歲聞
自下達上俟吾君君之來兮望如雲端兮睟聖之門至於
辛卯有事於社首以泰圻如泰壇於穆我睿宗侑而作主
奠獻嗚咽天子之孝也僉以金匱歸勛於祖禰石臧藏美
於乾坤戒咸秩則司存癸巳載大旗合大樂三陔崛以惟
抗四亞鏘而輅止朝羣收揆千官底邦賦數庭實華蟲辨
等車馬來覲周人隨人二王之賓戎狄蠻貊萬里重驛必
拱於著執贄奉璋駟叩叩靡敢怠遑乃建雞竿伐鼉鼓
帝命出皇恩溥揚翼風作解雨施舍之蕩滌之宥法罪除
頰顙頰湧洋溢周流黜不崇朝而徧者與此山俱疇翳

分覽一

岱覽卷第九

岱頂中

七

果克山房

而不拔胡微而不鋪也亦旣稱壽申命宗伯咨爾頌焉效
古之刻石臣頌稽首再拜而言曰臣聞昔在帝堯臣惟咎
繇聰明之謂聖邁種之謂德天若曰依於巨唐易姓者李
王於中華崇功者唐聖之澤德之浸也我唐祚之興昌符
誕膺兩儀動六葉承皇帝宣高祖四宗之景烈肇開元神
武之明號廣矣大矣莫有不寧罔有不俾咸一德之輔不
二心之臣羣臣抗詞曰臣聞先王因天事天因地事地因
名山升中於天陛下得天之經得地之義得人之行行也
者孝莫大焉兼三才以爲政政也者仁莫大焉含萬物以
爲性今三才貞萬物亨六典平九功成官不愾獄不放至

於刑清良有以也。因斯而談清明，在躬志氣如神之睿者，君也。四國於藩，四方于宣之美者，臣也。有物有則，君臣保乂之原所由於前，設其教於後，余往歲邦危，中否天討，內難陛下提三尺之劍，徂闔闔絕勾陳，趨北軍正北辰，然後翼翼乾乾，尊尊親親，立我烝人，聖考所以付天下之公器，蹈汾陽之清塵，唐雖舊邦，其命維新，古者振兵釋旅，祠土祈穀，先事也。我是以幸太原祭汾，雕擢金甲，肅邊鄙，虜馬讐而不敢南，向解嚴京師，獲寶鼎，獻宗廟，戍人歸而盡務，東作報福，京坻於是乎爰佐五時，郊天以奉時，爰崇九室，禘祫而敬思，昭格遲遲，神人允釐，無何藉三脊，盛六穗，不分覽一。

岱覽卷第九

岱頂中

三

果克山房

召斯至擁休之類如山，則委曷月而祕豈非享物降嘉，司火也。立渾同度在璇也，陛下姑謂之薄，臣所未諭。且管氏詫齊帝王，凡八十九，湮淪鬱沒孰若致美我高宗，勒岱甲子正六十，胼胝歲甦，故能應期我神武，惟繼代奉業增高，保鴻缺乎中何也。卽先后以權蹇阻於運，二宗紹復未遑，厥功神闈之契不在諸子，而當聖躬固不可辭者，審矣。帝曰：俞畏德之不稱，而左輔右弼，維縉紳鴻碩之倫，抱纒懷書，蒸雲吐霧，方集賢內殿講議前席，以論之，傳不云乎：君子勤禮敬之至也，易不云乎：先生作樂豫以動也，慎矣哉。禮樂之爲用，故執禮者具刪弊，則質宜之自我，變樂者理。

去商何害謙以爲臣二者洽而三讓之制曰可始嚴鹵簿
騰七萃啟禁關迴九重以聽乎鸞聲之雍雍匪疾匪徐物
有其容動植讚華夷觀駢闐總搏羨漫半散出成臯踰滌
波憑滑臺眺洪河遂竝昆吾之墟倘佯乎大舜之澤瀕四
瀆二濟入於克徑九一三齊喬於岱惟二旬有六而頓行
在莫不皤皤華皓如藿傾陽或牽以餼或捧之觴偃僂乎
康莊一似伸神武之今日一以感乾坤之舊章迺餼歸之
觴舉之慈且惠而與之謹沸渭頡頏矧國鄒魯家洙泗乘
汶野而圖記可知指泮林而頌聲不墜以周公之故將孔
子之後翹然希王者之屬車聖人之清蹕則久及信宿之

分覽一

岱覽卷第九

岱頂中

三

果克山房

應巖巖所瞻宗神曰天齊王加一等於三事戶二十供王
祀環十里禁人樵報也大禋旅之數重裒成之祿撫遺毗
賜之復帝曰吁夫艱難繫王業休咎牽人事況天監之殊
祥也殊典也不自滿而虔鞏於位朕寶臣曰乾曜洎說有
初有終時乃風欽哉汝作朕左右丞相繫汝忠益以嘉猷
補袞之闕罔或怠遂宏天封煥天章篆介邱而旋德陽大
饗乎羣方程後代美其律聲其實墳作四而籍言七也臣
頌不敏繼伯夷之直清微太史之畱滯聆金奏同百獸之
舞振木鐸採萬人之詩敢陳詩以頌曰天子聖兮天孫崇
登以封兮報以功受命再惟皇代天之賚人所載士馬山

嶻戈矛山脊禎符山雜靈響山答天與人合我鋪衍兮長
粹清太元冊兮太一精休光光我之慶成舜四朝而禹萬
國莫之我京。右碑開元十四年蘇頌撰梁昇卿行書勒
李安期碑側今悉髣治矣唐崔融傳云梁昇卿工八分書
東封朝覲碑爲時絕筆今相傳爲行書未知孰是金石文
字記稱林焯開府山東毀頌文十之三四已辨李安期碑
下至以焯爲焯以知州爲開府則文筆之小誤也

董靈寶題名文曰莫州從龍觀道士董靈寶爲國投龍設
醮開元二十三年七月一日。右真書勒紀太山銘側左

讀

分覽一

岱覽卷第九

岱頂中

西

果克山房

顏真卿題名。右真書在紀太山銘側見金石錄今佚王
世貞記云東封頌旁有顏魯公題名損於方元同詩是也
宋孫慄等題名九則文曰元符三年九月二十三日孫慄

楊景李堯臣李敏能同登泰山三頂觀歷代遺跡

左讀

建中靖國元年三月二十四日楊舜賓李子儀趙公立呂

君禮同遊 郝樛年田國材許遜程康崇寧初元季春念

六日同登岱三峯

左讀

王宜崇寧元年 趙子和趙君

安口口源崇寧四年乙酉季秋同登泰山三峯刻石磨峯

側 行宮至十月宣令權且停罷宣到岳高崑監修東岳

興國七年 太原王貽公口與天水趙明誠德父政和三

年閏正月八日同登 清河張大受河南褚完善昌黎韓
通叟政和五年九月六日同登 廣州董堯問峯巒秀祇
恐黃筮畫不成。已上九刻皆正書在紀太山銘東側爲
明嘉靖年題名所毀致多殘損行宮一則尤漫滅不可讀
董堯問一則後半是詩僅存末句矣

〔金〕高益富等題名文曰盤陔挑兒高益富呂小隴奉母聶
阿稔與笙博士花小奴同登。右真書在雲峯西巖劉仁
願題名後未詳何代疑爲金源閒筆故仍圖志所載列於
金代

〔元〕徐世隆題名文曰東平參議王玉汝經歷汝上張昉知
分覽一

岱覽卷第九

岱頂中

五

果克山房

事柯亭李滋濟南杜仁傑須昌孟謙從大行臺嚴公以□
已酉七月中泚禮嶽祠竟是日遂登絕頂陳人徐世隆題
。右磨厓四行真書左讀勒雲峯西側已酉爲定宗崩後
之次年嚴公卽東平路行軍萬戶嚴實也

張佺題名縣尹張佺偕壽陽路大中登秦觀海及於古封
禪所訪秦篆唐隸諸蹟中統元年九月三日記。右真書
勒雲峯側

〔明〕重修東嶽廟碑。右碑在嶽廟內嘉靖年布政使陳儒
撰文見岱史今佚

翁大立題名。右題名嘉靖三十八年四月真書勒紀太

山銘側

楊祐等題名文曰明楊祐蒔瑜來。右八分書在紀太山銘首行空處

國朝施閏章題名文曰宣城施閏章重登。右真書在紀太山銘側

高孝本題名文曰康熙丙申九月望日嘉興高孝本大立石門顧灋汝周無錫華啟昌子輔吳江許運昌三英周振業右序龍藻漢荀陳沂震猗亭沂配文山同遊泰山畱宿廟下五更登日觀峯俟日出而歸肯大立姪端質猗亭子士任侍行。右八分書勒雲峯西側

分覽一

岱覽卷第九

岱頂中

六

果克山房

巖上題勒文曰置身霄漢

李樹德真書

至此奇絕

馬一

龍行書

天根雲窟

壁立萬仞

山靜泉清

一塵不

染萬境皆空

青壁丹崖

雨餘雲海

躡雲捧日

並真

書失名

唐李德裕太山石雞鳴日觀望遠與扶桑對滄海似鎔金

眾山如點黛遙知碧峯首獨立煙嵐內此石依五松蒼蒼

幾千載

明蘇省山桃花洞雪竇雲岑玉洞新桃花紅勝武林春仙

楂直泛蓬壺裏何事漁郎復問津

鄒德溥桃花洞峻壁凌穹蒼洌泉貫其趾不知天地閒清

絕更誰似

國朝沈心磨崖碑封題遙歷幾驛亭有弟遺我磨崖銘聖
帝行波異結構書門挹霧含精靈岱宗位尊五岳長白雲
殿闕通天庭稽古柴望崇秩典織烏營室占纏星明皇衝
寒馳萬騎秦漢封禪追儀型輯瑞圭璧几筵肅致虔黍稷
神明馨河海清晏雨暘若爲民請命長盈寧危巖嗟峨斗
數仞巖沙礪治鳩千丁文成深刻紀功德侈心誰復規朝
廷大夫松畔挾麗藻計傳萬禩雷東溟自是開元全盛際
邊徼靜謐閒輜輶太真道士入禁掖霓裳法曲翻諸伶鐵
券威貽猪腹害壓服謠驗龍鬚腥馬嵬雲辰爭看轆轤叢
雨降悲淋鈴天子蒙塵急焉倚金泥玉檢何渺冥白傳興
歌重惆悵宮女聞說含愁聽理貴憂勤戒逸樂回念初政
陽光熒七十二家跡盡掃片玉高倚羣仙肩八分法妙祖
篆櫜綜美大翮隨飛停離奇芝英變體筆詭乖米囤妨眸
釘詎若此書整且勁怒猊渴驥差堪形茅齋首夏清晝永
哉生魄後凋階葢摩娑翠墨發幽思隔溪斜照窺疎櫺汗
編治亂鑒不遠浯溪鑪頌蒼波渟日觀峯高從想像九點
煙幻寒霞青聖賢垂則曷身佩祕殿當時寫孝經
沈德潛唐明皇泰山封禪碑有客經行泰山歸示我明皇
封禪磨崖碑高文典冊儷姚姒塗改點竄辭瑰奇鋪張五

分覽一

岱覽卷第九

岱頂中

七

果克山房

聖佑萬禩合撰兩大周八維御書古隸體蒼勁光吃苦縣
相攀追箕張昂萃勢向背龍蟠蛟走形踈踈吾聞聖王爲
民請命福宇內恭儉力行屏驕泰建極憑王心不在禎符
仰神賚有虞攝位勤東巡燔柴祀天首泰岱七十二君封
禪俱荒唐唐玉檢金泥付茫昧開元初政媿太宗勤政務本
光深宮詔焚珠玉定服御禁奏祥瑞書年豐而何侈心忽
萌動張說聳愚來東封汾陰已見答后土泰山直欲通元
穹百官扈蹕四夷侍萬國表賀昭豐功君道貴謙忌盈滿
天寶稅政早已覘凶終宮中王母落日留蝦蟆忽變長黃
虬雄狐腹劍稱伊周更議封禪凝天休西嶽祠火停宸遊

分覽一

岱覽卷第九

岱頂中

六

果克山房

漁陽鼙鼓驚延秋青驃蒼黃奔益州迴望岱嶽雲悠悠升
中祕冊仍探不靈武徵兵時倥傯諸將攀龍還附鳳華夷
并力收兩京紀功崖石煩磨礱漫郎老筆顏公書中興更
勒涪溪頌

德星巖者明汝南人翟濤權州牧奉當事僚友同遊引漢陳
荀故事自爲題名大書德星巖三字鑱蓋宋磨崖上因名攷
宋眞宗登泰山銘一勒此巖一勒山麓城南其在城南者所
謂陰字碑也勒巖者高一丈八尺廣丈二尺六寸銘字徑二
寸額高二尺八寸廣五尺五寸字徑八寸嘉靖間鄞人汪坦
卽其上勒東安邵鳴岐等題名一則竝翟濤刊毀每行約損

三十字下截尙可讀其得字二百有奇惟額篆登泰山謝
天書述二聖功德之銘十三字完好如初東游畧記云嶽頂
封禪壇下有唐宋磨崖乃後人第知宋有陰字碑而不復知
有此碑矣蒙案文獻通攷王欽若言唐高宗元宗二碑之東
石壁南向平峭欲卽崖成碑以勒聖製上曰朕之功德固無
所紀若須撰述不過謝上天敷佑敘祖宗盛美耳命勒石北
向以答天眷玉海云祥符二年十一月壬子朔泰山太平頂
磨崖刊聖製畢三年正月丙子知樞密院陳堯叟上泰山封
禪聖製頌詔答之上又以其詞有規切之意作歌以賜戊寅
上作觀新製泰山銘紀周備書懷五言詩賜王旦等屬和觀
分覽一

岱覽卷第九

岱頂中

九

果克山房

此則真宗之於磨崖亦似無所推讓也孔貞瑄謂只成其額
殆未審其下殘文耳石墨鑄華云帝旣侈言天書之妄復爲
太山之封而作此銘述太祖太宗以及其身語多浮夸文亦
拖沓眞書僅能方正無少鉤磔想帝亦不能辨此或王旦輩
爲之潤色而尹熙古之流握管耳碑方廣幾埒開元太山銘
字減小不能強半而文筆手腕則不啻泰山之於鄒嶧矣而
鮪琦亭題跋云眞書絕佳予得之豐城學士萬卷橋元文貞
公遺山親登岱宗顧未及見予得見之幸矣取以配唐開元
太山石本誰曰不宜然論其書法當以石墨鑄華之說爲當
宋登泰山謝天書述二聖功德銘。大中祥符元年十月

御製竝真書篆額文詳分覽二

張決等題名文曰靑社張決和甫開封錢慎無咎弟悟穎
達中山劉涖子容政和甲午季冬四日同登絕頂觀封禪
壇看日出步頂還邑○右真書勒巖西今漫滅

王安石題名文曰政和七年四月十九日臨川王安石介
甫與南陽鄭居中□□同登訪□奉符尹鄭溫恭偕行○
右真書勒巖東今漫滅

賈洵題名文曰政和八年春先公任京東西路提點刑獄
公事遊岱嶽下刻石於先祖題字旁是時洵以幹畱汶上
後二十三年洵自口北移山東西路轉運副使大夫庚申

分覽一

岱覽卷第九 岱頂中

三

果克山房

仲夏以職事至奉符登此恭覽先祖先公畱題不勝感愴
但歲月攸久風雨剝落猶存髣髴耳乃摸刻竝書岱巔口
平賈洵識○右真書勒巖西泰山金石攷云賈洵題名已
滅有舊藏拓本可攷自政和八年戊戌迄庚申凡二十三
年是爲南宋高宗紹興十年金熙宗天眷三年也

金徐鐸題名文曰石城徐鐸被符度修諸祠工費因登絕
頂周覽而還大定丙午三月十七日全遊蒲陰趙七斤男
鄭和尚侍○右真書在宋登太山銘西側就崖鑿石爲一
方格內題字五行行九字大小不等大者徑二寸小徑一
寸案郡城東嶽廟奉勅重建以大定二十一年落成二十

二年勅楊伯仁撰文立石而其工費則徐偉領其事王元忠佐之至是工畢乃符調徐鐸來度之也當時宣聖廟亦同勅修言諸祠者不止東嶽一廟也侍當是徐鐸之男而名之曰鄭和尚可笑方格右上角有崇寧二字左上角有頂拜于三字蓋宋人題名殘蝕之餘案七斤當爲齊錦

姚亨會題名文曰郡守朝請姚亨會暇日來遊男楷侍行同○縣○事王宗儒主簿完武字木魯埽出縣尉武功沒撚木里也司候忠武蒲察廐里哥酒政承信馬洪基大定己酉夏初一日○右真書勒宋登太山銘西側案李木

魯當爲富珠哩埽出當爲薩珠沒撚當爲穆延木里也當

分覽一

岱覽卷第九

岱頂中

三 果克山房

爲特爾額蒲察當爲富察哥當爲格

濮國長公主題名文曰皇姑濮國大長公主□□□同

駙馬濬州防禦蒲察敬詣岱嶽焚香致禮畢明日遂登絕頂拜于玉仙祠下時明昌元年三月十二日○右正書勒

宋登泰山銘西側案婦人出門禱祀非禮也況王姬乎題

名巖石亦可耻矣金石文字記錄靈巖詩有元至治年忽

都虎郡王太夫人八達氏詩二句云巖前松檜時時綠殿

上君王歲歲春大字刻之尤甚一噤

郭僕等題名文曰濩澤郭僕絳陽李思古滕完顏從泰和八年八月二十三日全登○右正書勒宋登太山銘西側

三行行八字字徑二寸郭侯金史有傳云字伯有澤州人
大定二十二年進士泰和七年遷山東安撫副使題名正
爲副使時也

巖上題勒文曰超然塵表 天柱東維並真書失名

堆秀巖在大觀峯之南奇石璀璨秀色歲隳北倚穹巔日月
觀峙其左右蓮花圍屏諸峯若列屏戟幽以霏緝明以燦朗
仙靈之所憑也其陽有碧霞元君祠是爲元君上廟文獻通
攷宋眞宗於玉女池得石像頗摧折詔皇城使劉承珪易以
玉旣成上與近臣臨觀遣使齎石爲龕奉置舊所令王欽若
致祭上爲作記因建昭眞祠玉海云先是泰山有石像在岩
分覽一

岱覽卷第九

岱頂中

五

果克山房

崖間頗多頑缺帝登封見之因命修琢易舊像置內廷祥符
三年正月二十八日戊寅帝至資政殿出聖製泰山重修聖
像記示輔臣又云祥符二年五月戊午對輔臣於後苑出御
製泰山銘贊玉女像記示之案三年正月示觀者蓋其刻成
者也金爲昭眞觀洪武時重修宏治中更名靈應嘉靖朝大
內施萬金拓建額曰碧霞靈佑宮萬歷年修葺又爲慈聖太
后禳目青乃鍍金爲元君像範銅殿居之號曰金闕泰山小
史云中官董事制倣武當突兀凌霄輝煌映日然時值大禳
白骨溝渠而錙銖以入泥沙以出諒聰明正直者不以金靈
也今徒山麓社首東矣我

朝康雍閒遣官修岱上下祠宇皆新之乾隆庚申燬

命內務府員外郎江都重建庚寅重修懸棟結阿雲綵星稅之麗擬於彤宮璇室矣祠正殿五楹中祠天仙玉女碧霞元君範銅爲像步搖翹鳳錦帔飛龍七寶莊嚴備極崇奉蓋瓦鴟吻簷鈴之屬亦以銅高揭擘以拳雲上欵施而麗日殿東室曰東寶庫西室曰西寶庫皆加欄檻用儲諸混施錢蓋四方士女招梗禱禳投施金錢歲不下千數他衣物稱是漢應劭記酢梨酸棗狼籍散錢處亦不埽除則由來尙矣明宏治後嘗遣大臣中官致祭

國朝

分覽一

岱覽卷第九

岱頂中

五

果克山房

仁廟賜額曰坤元叶應

憲廟曰福綏海宇

皇上曰震維靈嶽又曰贊化東皇楹帖曰碧落高居金臺傳妙訣蒼生溥佑木德仰慈恩又曰三素雲英扶絳節九光霞纈麗青壇自乾隆二十四年以來每遇四月十八日遣內大臣賚香帛進謁以爲常

御賜彝器爐鼎餅瓊多晶玉金磁之寶東西廡設眼光子孫二神母像瓦皆鐵冶禦罡風也中唐有香亭卽萬歷建金闕處謁款者拜舞於此乃投施殿室焉階前舊有銅鼓鼎及鐵碑東廡有自玉女池移置之秦篆石以庚申廟火銅鐵融爍

爲液而秦篆石乃毀於僇罷工役之手惟玉印獨完玉印傳
自祥符時與玉像並製文篆天仙照鑿螭紐紺色從煨燼得
之一角少損今奔邑庫矣玉像則未審失於何時也東西碑
亭各一恭勒

御製重修碧霞宮文及戊辰登岱詩石瑩潤人稱玉碑先是
萬歷天啟銅碑經火不爍稱金碑故以玉碑尊之云南爲重
門舊額神秀門前臺三成棹楔三臺前左雍正七年重修碑
右雍正十三年十二月奉

旨裁革香稅碑攷香稅自明正德十三年從鎮守璫臣言始
設總巡官一人分理官三人一在遙參亭一在元武門一在
分覽一

岱覽卷第九

岱頂中

五

果克山房

碧霞宮每進香一人納稅錢八分通一歲解部錢二萬有奇
而藩祿工築之取給不與焉混施錢亦解省如是者二百餘
年

皇上初政渙汗除之勒石永禁混施則郡守每年春秋親至
啟殿撿校概付廟祝供修繕貲二碑陰勒辛未後

御製登岱詩東鼓樓西鐘樓南大門舊額金闕順治時知州
曲允斌增葺歌舞樓東西各建石閣門外火池以焚楮幣漢
鹽鐵論云古者庶人魚菽之祭土一廟大夫三以時有事於
五祀無出門之祭今富者祈名嶽望山川椎牛擊鼓戲倡舞
像則出門進香之俗已自西京而有之矣第四方士女不遠

數千里祈禱報賽必先有事於元君而後及於他廟也祠東有聖水泉西有玉女池文獻通攷玉女池泉源素壅而濁宋眞宗東封先營頓置泉滯涌上徙升山其流自廣清泚可鑑毛髮味甚甘美經度制置使王欽若請浚治之存硯樓雜著引稗史漢時天齊仁聖帝前有石琢金童玉女至五代殿北石像仆至唐童泐盡女淪於池至宋眞宗封泰山還次御帳滌手池內一石人浮出水面出而滌之玉女也命有司建小祠安奉號爲聖帝之女封天仙玉女碧霞元君道里記云古玉女池屬大闢祠基掩於正殿龕座下祠西北爲後寢宮明稱神憩宮制如祠之兩廡設元君臥像

分覽一

岱覽卷第九

岱頂中

壹

果克山房

皇上額曰德溥坤輿東石閣外爲駐驛亭

國家謁祠更衣之所岱史稱東公署總巡香稅官所居卽此其曰碧霞宮西爲西公署額仰止亭者今廢祠南爲蓮花峯數峯攢簇如綠芴翠房頗見窟窔若供養元君者紀勝云花靨寬平又絕類蓮實遊人多坐飲焉五花崖鞞鞞在其東有菑菑高潔之狀又南迤西爲蛻仙巖

宋玉



右印方三寸五分四邊闌各闊四分每字方

印文



一寸三分半文類繆篆近符籙相傳能辟邪

印者多亦漸漫漶矣

明修碧霞靈應宮碑畧曰昭眞祠在泰山絕頂世傳謂天

仙玉女碧霞元君之祠聖天子御極十有五年命太監陳喜來修祀事明年詔修是祠卽故址增飾之祠殿爲閤者五以奉元君左右迴廊各三閒則護從之神居焉神道有門鐘鼓有樓恐凌空壁立易爲風雨所剝蝕故陶土爲磚治鐵爲瓦覆仰比次務爲堅確黜聖丹漆金碧交輝視昔有加焉其肖像左右銅中以沈香爲之雕龕石座霞帔鳳冠於赫穆清而其所費一家輸財於神貯之帑藏以充其用而毫芒不取於民自經始以來綱維其事者大參文安邢表僉憲衛輝劉璋下至義士耆宿罔不奔走事事所以重上命敬神明也夫泰山雄鎮東方爲五嶽之尊歷代

分覽一

岱覽卷第九

岱頂中

二

果克山房

有封禪之典維我列聖每遇登極必遣廷臣以祀方嶽又時命中貴有事於祠或金帛朋貝以將其誠或冠帔旌幢以拂其像蓋神之靈貺感人實有以致之嘗觀州誌昔有猛虎爲害禱之而遠去飛蝗爲災禱之而自死以致於民之若早若澇祈之歷有其驗故每歲之春遠近眾庶拜瞻之頃靈風颯然知者敦其誠愚者啟其敬忠者堅其志奸者沮其謀善心以之生欲心以之窒吁休矣哉其神之惠乎○右尹龍撰今佚

重修碧霞宮碑畧曰太極判動靜生陰陽山鎮坤維體靜陰也水生天一體動陽也岱宗摩空峯巒拔起去地數千

丈絕頂出泉流注石池清泚可鑑蓋陽根陰之象泉以玉
女名必有所稽地志失載記曰山林川谷邱陵能出雲爲
風雨見怪物皆謂之神岱岳毓神上通乾象降靈下土坤
道成女天仙玉女之號意以是與碧霞元君之稱則後世
加封之典神廟在茲揖日月之峯擁層巒之秀左則岳頂
之峻極右則天門之開朗歷選名勝之所無踰此境之妙
意者神或受皇天后土之命俾權輿造化之機於此不然
何威神顯赫如是之大殆不可以易而測也歷代遵奉已
久逮我朝崇重之典尤盛有寶香異品之頒有華冠錦袍
之錫歲時遣官致祭以致奔走天下豪傑及士女商賈之
分覽一

岱覽卷第九

岱頂中

七

果克山房

類皆齋心戒誓道路閉關歲進香帛者恒以億萬計金鏹
緡錢川臻雲至溢於公帑資歲用賑歲饑皆於是乎取給
孔子以鬼神能使天下之人齊明盛服以承祭祀其斯之
謂與嘉靖甲申都憲王公堯封奉聖天子明命來撫東藩
詣神祠展謁顧瞻祠宇敞壞慨然興歎遂下營繕之令經
始於嘉靖乙酉十月己未落成於嘉靖丁亥九月丙子規
撫壯麗丹漆晃耀突出煙霞之上巍乎岱宗之閒斗柄之
南一奇觀也而神亦寧矣夫神寧於上人安於下幽明協
贊和氣熏蒸雨暘時若由是庶草蕃廡百穀用成朝廷無
四顧之憂安知不自王公一念之誠有以感之哉。右嘉

靖丁亥崔文奎撰碑不知所在又有劉定之記碑皆無攷而徐溥記在水簾洞者嘗亟稱劉記云

銅鼓記文曰子寅長右轄熙臺潘先生政暇嘗登斯山感獻遺之物而懼其殄也乃白諸巡撫大中丞南皋王先生鑄銅鼓四竅其心置橐鑰焉以象四時鼓萬物生長收藏又爲之鼎附之瓶以達網緼之氣其知所謂鼓之舞之以盡神者與猶未也又欲顯道神德行各識以銘其鼓文云元氣鼓萬物春差爾岱神乎神氣再鼓麗朱夏品物亨乃神化孰鼓舞秋乃收物之府神之休消而息爾鼓爾物歸根元資始其鼎文云大德曰生辨香維誠人在洪爐左右分覽一

岱覽卷第九

岱頂一

五

果克山房

和平其瓶文云不平者情不私者平神馮人哉神馮人哉吁淵乎微矣可以幽贊於神明矣予故爲之記示後世有考焉已矣○右郭詔撰銅鼓一鼎一瓶二舊在碧霞祠內乾隆庚申鑲於火

碧霞宮祝釐碑○右碑爲萬歷二十一年九月大學士太倉王錫爵撰中書舍人饒陽田應璧真書定國公鳳陽徐文璧篆額碑陰有太后妃主皇子侍臣題名在碧霞殿前爲乾隆庚寅修工所斲碑木內監呂進朝等建高丈三尺廣四尺厚一尺有奇豐堅瑩麗極其工巧亦勞費之甚者存之足爲炯戒卒與秦篆同失亦足惜也

泰安州進香題名記鐵碑。右碑乃編修方從哲爲內侍郝相進香撰文中書舍人湯同眞書侍起居中書鮑佐篆額萬曆甲午仲冬勒元君殿西側亦爍於火

重修碧霞靈應宮碑文曰蓋聞之孔子云質有餘者不受飾也碧霞宮何以修也又聞之德彌盛者文彌縉中彌理者文彌章碧霞宮何以弗修也夫太室不營春秋致貶華山加繕光和見述張寵以二千祠堯史晨用王毅表聖東溟標燄乎桓相淮源歸勛於郭守沿經舉廢自昔然已岱宗爰長諸嶽冠以帝稱廟貌崇闕雄峙州治而碧霞元君靈宮則巍然托趾抗擢岱椒其列在集仙搜神道錄等編

分覽一

岱覽卷第九

岱頂中

五

果克山房

未究元君之始寧襲耳食之謬惟是四嶽避峻九山推烈碧霞於斯宮焉要之人天允叶精響合答則下臣仿佛可得而言無懷之所稅鞅黃帝有虞之所駐蹕三代以降迄乎秦漢臚禪紛如廣心競設乎壇陔中狼厚集乎瑄玉寢尋無已輝燦若何昭代列皇重厘遣告倖福陋贊策之罔竭禋酌刻牒之緒以故明祇惠以豐楹下土道夫穀嘽蓋有馬談弼其冊典寬舒戢其頰頰者矣厥有冠帶之儕布衣之醜估販之魁帷闔之侶靡不指奉高以首路望雲峯而膝地瑤則珠松徽尾銜鑄師比帛則春草雞翹黎單髦毳幣則楊邁朱提鮫文白撰供則盃緹醜醜腭膺宮脂器

則雕篋黃目盜齏枕巖樂則雲和別杼丁寧埒竿儀則金
支翠葆徽章星施焚燎絳天子喁震墜蟬匿畫轂木禺龍
駟殷麟萬狀不可勝窮百千億兆貽藉雜遯或遙濫乎樓
木之采或下瞰乎治邸之庭或依稀乎白馬之宇或隱見
乎明堂之虛羣情翕赴亦已極矣嶽靈恣穆能無應乎竊
見降瑞錫祉調風布霖膚寸澤夫遐表彌天飽其至德所
謂道穀嗛而被豐楙則又惟一人之所暨及也元元之眾
則有疾癘覲瘡愚蒙思牖年壽旬延子孫祈禳水火希遠
離睽求聚休嘉啟嚮各副所懷亦有梁父云亭斂焉聽命
共驅族炊族糜之屬益廣金銀鏈銅之用凡此有位可無

分覽一

岱覽卷第九

岱頂中

辛

果克山房

報旃覲傑構之少渝迺鳩僣而不懈藻井連茹會邁育茅
之地飛雲麗日若開寶雞之天席葺苴稽典還嶽峙子來
者可念行築者云勞迺惟畫議之先實出尊明之斷方諸
前哲今古同符則此碧霞宮者胡可以不修也胡可以不
紀也是役也合岱廟計費四千九百五十金有奇撫中丞
今晉右司馬晉江黃公名克纘主議前左布政使今撫河
南吳江沈公名季文前參政今按察使宣城徐公名夢麟
議協金迺辦而今左布政使崑山李公名同芳續用輸覈
起工歲月具岱廟記中提衡振飭則前案部侍御無錫嚴
公名一鵬後案部侍御海澄溫公名如璋今案部侍御燕

山蕭公名淳前案巉侍御涇縣葉公名永盛今案巉侍御
內江李公名應魁若前左布政使安慶劉公名尙志今右
布政使章公名邦翰督糧道參政潛山徐公名堯莘分守
濟南道參政白河柴公名應乾提學道前副使晉江李公
名叔元今副使尉氏靳公名於中驛傳道副使南宮韓公
名策分巡濟南道前副使固始文公名球今副使潁川張
公名鶴鳴武德道副使永年杜公名廩濟南知府今陞副
使莆田俞公名維宇今濟南府知府歸安丁公名浚皆與
有先後督率勞泰安知州歙縣江君湛然以職守終始厥
事例宜書州同知賀本昌臨朐縣丞吳復金承委克竣宜

分覽一

岱覽卷第九

岱頂中

三

果克山房

附書岱廟記先撫黃公作侗以螢燭嗣光碑當有辭辭曰
泰山巖巖萬物伊始帝冊帝孫儻元君是呼吸上通僅尺
有咫膚寸八荒人事甚邇四嶽苞祇四流遵迓唯岱是宗
靡敢抗壘先民有言神怪譎詭我儀圖之佑善殄否萬方
玉帛走不停踵孰云奉高有道如矢巍然仙居棟厦宜庀
疇新茲宮我撫則以靈篇載韜神司其甌發函燭霄皇乃
受祉○右碑萬歷三十六年僉事臨邑邢侗撰行書勒祠
內今佚

銅鐘宏濟經文曰太上老君說天仙玉女碧霞護世宏濟
妙經經未錄督修金殿等太監名未錄萬歷甲寅年造

○右真書在後寢宮銅鐘上陽文

勅建泰山金闕記銅碑○右碑爲萬歷四十三年正月大學士方從哲奉勅撰禮部郎中汪民孜書丹額題勅建泰山天仙金闕碑記碑陰亦有額曰聖孝聖誠永垂億世竝真書在香亭左與天啟銅碑俱磨滅不可讀

靈佑宮金碑記文曰欽修泰嶽大工告成賜靈佑宮金碑

記○賜進士出身陝西布政使司左布政使分守甘肅道

賜一品服俸缺數字撰文賜進士出身廣西布政使司右

布政使缺數字書丹賜進士出身貴州按察司分巡普靜

道兵備副使李思恭篆額文未錄天啟五年歲次乙丑六

分覽一

岱覽卷第九

岱頂中

五

果克山房

月朔日督工太監及各官未錄○右碑與前碑式畧同額

云勅建泰山靈佑宮記碑陰額曰聖德神功永垂億載竝

真書在香亭右俗謂二碑磨錢佩之可卻病故下截剝損

特甚泰山金石攷云家藏舊墨本尙可讀然所錄亦多缺

文

祠前題勒文曰萬代瞻仰 爲善如登竝真書失名

明龔勉玉女池山池水碧澄可照芙蓉面玉女時往來彩

雲飛片片

程拱辰玉女歌英英白雲端神女駕紫鸞素姿淨浴天池

水扶桑日閃玉容丹朝餐明霞暮吸露芙蓉製服電爲冠

我聞黃帝女修真生羽翰載傳漢玉葉石屋鍊金丸西向
瑤池禮王母鳴璫雜佩聲珊珊白日飛挾曹仙去空畱丹
竈鎮蒼巒黃花古洞真人跡女指纖纖印蒼石更有一片
雨花牀千年指作蒲團席銀燈懸斗旁燦若七星奕爐煙
繞岩廊裊裊吐霧碧天花不捲水珠簾甘泉迸出白玉液
乍聞萬壑松籟鳴疑是經聲喧喑喑曾頌李白句飄飄下
九垓載聞宋眞宗東封紫觀開寶磬聲落天空外玉簫吹
集鳳凰臺卿雲絢爛扶輿下朱旛五采駕山來巍巍岱宗
奠東土赫赫元君何神哉惟山有神增靈異寰區千古仰
崔嵬我也生前懷仰止今日東山著屐齒十八危盤石參

分覽一

岱覽卷第九

岱頂中

三

果克山房

差萬丈雲梯空中視乘風上天門振衣躡星紀僊樂雲中
迎身如霄漢裏金蓮頂上紫氣騰稽首風前薦香芷素手
授我硃砂杯須臾餌以白石髓揖予更上日觀峯天雞初
叫朱曦起西望崑崙雪花明玉池直接天河水夜夢石函
玉虛篇傍有羽衣親點指從此覓卻紫芝依碧霞人世淨
名一掃如風塵

蕭協中玉女池琳宮高揭碧山岑祠畔靈池歲月深藻色
綠縈元女髮鏡光清澈道人心翻疑借液銀河近宵信涵
虛玉露浸恍惚水雲飛白篆泠泠清況起長吟金殿入
寶世所珍五金神不貴玉女自清虛安用重耗費歲稔殍

溝渠蓬蓬亂如卉
股民築金樓
聖慈何所慰

劉策碧霞宮一嶂
凌霄漢中藏
玉女家仙旛
搖碧落寶殿
擁朱霞
映日裁雲錦
隨風散雨花
登臨多少客
不惜路途賒

國朝高珩朝岱歲云暮
矣當豐年香火逐羣禮
泰山半夜鳴金催社侶
踏星靡靡霜花班
千聲一佛潮音吼馬咸
云神掖走閨中嚴屬戒
腥葷梵宇琳宮徧稽首
上山竭蹶下山輕三百
青蚨沽一斗歸遺兒女
買銅鈿千里秦松猶在
手泰山滿腹誇鄉人
鞭聲霹靂天門神

唐人小說吳女盈盈善歌舞
姿容都冶一夕夢紅裳美人
分覽一

岱覽卷第九

岱頂中

五

果克山房

手一紙曰玉女命汝掌奏牘
及覺泣以白母曰兒不能久
居人閒矣異日當訪我碧霞
峯頭其日竟卒後詩客王山
聞之登岱絕頂徘徊玉女池
畔爲二詩以弔之既歸夢二
女奴召至一溪洞更有碧衣
短鬢者迎入宮殿上有女子
玉冠絳衣擁雲幢寶扇山不
敢仰視俄女使持一簡授山
上書一詩曰絳闕琳宮鎖亂
霞長生未晚棄年華斷無方
朔人閒信遠阻麻姑洞裏家
歷劫遙翻滄海水濃香難謝
碧桃花紫臺樹隱瑤池闊鳳
懶龍嬌日又斜尋廨明日追
尋不得其處

國朝顧炎武攷古錄泰山碧霞元君
宋真宗所封世人多

以爲泰山之女後之文人知其說之不經而摭爲黃帝遣
玉女之事以附會之不知當日所以褻封固真以爲泰山
之女也今攷封號雖自宋時而泰山女之說則晉時已有
之張華博物志文王以太公爲灌壇合期年風不鳴條文
王夢見有一婦人當道而哭問其故曰我東海泰山神女
嫁爲西海婦欲東歸灌壇合當吾道太公有德吾不敢以
暴風驟雨過也文王夢覺明日召太公三日三夕果有疾
風驟雨自西來也文王乃拜太公爲大司馬此一事也干
寶搜神記後漢胡母班嘗至泰山之側爲泰山府君所召
令致書於女婿河伯云至河中流叩舟呼青衣當自有取

分覽一

岱覽卷第九

岱頂中

三

果克山房

書者果得達復爲河伯致書府君此二事也列異傳記蔡
支事又以天帝爲泰山神之外孫自漢以來不明乎天神
地祇人鬼之別一以人道事之於是封嶽神爲王則立寢
殿爲王夫人有夫人則有女而女有婿又有外孫矣唐宋
之時但言靈應卽加封號不如今之君子必求其人以實
之也又攷泰山不惟有女亦又有兒魏書段承根傳父暉
師事歐陽湯有一童子與暉同學後二年辭歸從暉請馬
暉戲作木馬與之童子甚悅謝暉曰吾泰山府君子奉勅
游學今將歸煩子厚贈無以報德子後至常伯封侯非報
也且以爲好言訖乘馬騰虛而去集異記言貞元初李納

病篤遣押衙王祐禱岱嶽遙見山上有四五人衣碧汗衫半臂路人止祐下車言此三郎子七郎子也文獻通攷後唐長興三年詔以泰山三郎爲雄威將軍宋大中祥符元年十月封禪畢親幸加封炳靈公夫封其子爲將軍爲公則封其女爲君正一時之事爾又攷元劉遵魯漢島記曰廟中神妃相傳爲東海廣德王第七女夫海有女則山亦有女曷足怪乎

鞞錫胙元君記統古今天下神祇首東嶽而東嶽祀事之盛首碧霞元君元君者泰山玉女元君其封號也廟在泰山頂自京師以南河淮以北男婦日千萬人奉牲牢香幣

分覽一

岱覽卷第九

岱頂中

三

果克山房

喃喃泥首階下前代設官徵稅充度支陶允宜詩云自是神人同愛國歲輸百萬助昇平我

皇上御極詔永免其稅於是遐邇來禮元君者風雨相續其眾多什伯前時云夫玉女何神也道藏云金虹太乙定父女也蓋東嶽爲天孫天官書織女亦爲天孫因其名曰孫遂撰金虹以爲之父因織女天孫爲女竝東嶽亦牽合而爲女也瑤池編云黃帝會西崑崙真人遣女七人雲冠羽衣往泰山返之玉女乃七人中一人彼六人者又何往乎玉女卷云玉女姓金名玉葉西牛國孫寧府奉符縣石守道妻也漢明帝中元七年四月十八日生年十四入天

空山黃華洞修道天空山卽泰山也攷秦李斯從始皇發封出玉女於岱宗之巔因祀之稱爲神州老姥是玉女早見於秦時何有漢明帝時降生事況中華無西牛國或卽浮屠家所云四大部洲之西牛賀洲者果爾亦當在身毒國西相距不知幾千萬里無論西牛國無郡縣之制泰山郡無孫寧之號而強以彼地天空山指爲中華泰山且謂玉女有夫也瀆亦甚矣文獻通攷云泰山頂有玉女池池水苦濁則山已有玉女名宋眞宗登封命王欽若先行頓置池中清泉涌出詔易池旁石刻女像以玉奉以石龕而祭之則前此山固有玉女像唐劉禹錫送女道士張鍊師

分覽一

岱覽卷第九

岱頂中

毛

果克山房

歸東嶽詩云久事元君佳翠微則唐以前已有元君神號而明楊時喬乃謂宋眞宗授天書特假元君名俾五方易於信從胡臆斷若此歟近世佞佛者云觀世音千百億化身在南爲海神天后封碧霞元君在北爲泰山玉女亦封碧霞元君皆一人也首楞嚴詆十種仙爲卑華嚴舉山林晝夜諸神悉屬諸護法聽經之列顧豔玉女天后二神之靈而胥實以觀世音又有刻洞賓集者載洞賓與梓潼俱授記佛前俚鄙誕幻無稽不經不足辨也然則元君何神也泰山在魯境魯賜天子禮樂得郊禘郊該社郊園丘上帝社方澤地祇也齊桓公九合諸侯自以爲帝王受命不

過此欲竝魯用郊禘然方以尊周室爲名因託言欲封禪封禪郊社之變名也管仲知不可窮以辭亦託言符瑞未臻以阻之故郊社一歧而封禪封禪再歧而符瑞符瑞又歧而神仙也祭義園丘稱泰壇方澤稱泰圻說者云泰壇魯郊泰圻魯社皆在泰山左右也泰壇事上帝以人像之則冕旒王者泰圻事地祇以人像之則翟禕后夫人又漢時祭泰圻亦以后夫人主祀從其類而格之也又漢武封禪石闕當時以爲仙人之闕禮如祀后土卽後世所附會黃華洞石屋也然則元君地祇也且夫父嚴而母慈胞孕乳哺出於母而其出之者母不自知之天尊而地親五分覽一

岱覽卷第九

岱頂中

庚

果克山房

材百貨產於地而其產之者地不自明之所謂神也今千萬男婦欲祈年免病求嗣保壽日躋崇巒猿攀蟻接泥首元君前皆人世吉祥應有之事而神卽如其意佑之非若金泥玉檢冀長生不死爲人世不應有之事神不能違天以予之也孔子曰祭神如神在則必洞乎如見其形焉欬乎如聞其聲焉以情推之朝日夕月其所謂如在者將如日之圓而烈月之盈而虧乎祭門巷竈中雷其如在者亦將如門之闔闢如巷之逶迤如竈之曲突與夫中雷之滴瀝乎抑別有冠裳坐立之容似以睥蠶而陟降者乎易泰圻而宮室之貌地祇而珈佩之是靈爽之集百福之綜也

謂非天下之正神乎敬以告後之君子俾有所取信焉
蛻仙巖在遙觀洞南石壁翠律疑有白玉棺存焉下有王老
石屋可容几榻岱史云翰林王從之跣趺化此攷從之名若
虛臺城人金源學士金亡蓋挂冠修真云泰山紀事云王老
者邨居慕道有老道士造之畱月餘忽徧體瘡瘍謂王老得
酒數斛浸之卽愈王如命道士坐酒甕中三日出鬚髮皆黑
顏如童子謂王老飲此可仙去王全家飲之皆醉忽風動雲
蒸同時超舉未知孰是稍東爲滌慮谿水潰渭西南流中有
突秀峯泰山小史云碧霞祠火池南一逕逶迤下臨深壑數
里許始得坦途約自嶽頂西南七八里忽開一石平如砥可
分覽一

岱覽卷第九

岱頂中

竟

小克山房

十畝中突一石筍筍三成高七十尺其巔一松挺蓋枝葉橫
盤水環石流四壁藏雲獻媚鬢鬚離奇眞壺天之別境也今
松無存石筍卽突秀峯也頂南諸峯如簪花戴勝翩翩欲飛
舞而勢稍西馳寢尋於南天門矣

岱覽卷第十

泰山書院院長陶山唐仲冕六幕輯

分覽一

岱頂下

頂南迤西為秦觀峯漢官儀云東南名秦觀秦觀者望見長安東游畧記云秦觀有封禪壇壇下有秦李斯唐宋磨崖殆謂絕頂也蕭協中詩云西瞻紫氣滿函關百二山河指顧間得其狀矣青帝宮在其陽通志云山高四十餘里凡十八盤由南天門歷東西二天門至絕頂其祠曰青帝顧炎武謂卽月令其帝太皞史記封禪書秦宣公作密時於渭南祭青帝分覽一

岱覽卷第十

岱頂下

果克山房

唐書王璵傳請置春壇祀青帝於國東郊者也若鄭康成述春秋緯說蒼帝靈威仰赤帝赤熛怒黃帝含樞紐白帝白招拒黑帝叶光紀則王子雍所排駁後世雖存五帝之祀亦不遵用其名矣明巡撫李戴重修今
皇上額曰慈天廣祐東有碧天泉涸門外巨石踏臥曰獨石又西南為望吳峯

明張天祚登岱詩碑。右行書勒青帝宮中

王之綱泰山記文曰泰山東嶽山也是為岱宗爾雅邱右陵曰泰郡志萬物交代故稱岱羣嶽之長故稱宗焉天應角躔地分魯域宋元前隸兗東平路今隸濟南泰安郡道

藏書云泰山週迴一百六十里奇五十步方面各四十里
郭璞云從泰山自下至頂四十八里三百步漢官儀云盤
道屈曲而上凡五十餘盤茅君傳云泰山週迴三千餘里
博聞錄云泰山名蓬元高四千丈環一千里福地記云泰
山洞天週迴三千里其言高廣遠邇固人人異以今攷之
由岱宗坊而左週迴至其坊下凡一百七十里百九十七
步其稱一百六十里奇五十步者近是自郡城登嶽坊三
里至一天門而上礪柯陀坂循谿入谷度高老橋水簾洞
迴馬嶺黃現嶺二天門小龍峪九龍峪十八盤三天門至
嶽頂四十五里其稱四十八里者是也至其峯山嶺峪洞

分覽一

岱覽卷第十

岱頂下

二

果克山房

石巖崖亭臺觀宇支麓蜿蜒不可殫紀蓋嘗卽其著者而
言最高爲嶽頂古登封臺今表其巔爲玉帝太清宮宮前
秦無字碑碑前秦觀峯可望長安下爲青帝宮碧霞宮東
嶽廟頂以北由丈人峯石馬山上爲堯觀臺臺之北爲
拗山磨山仙臺嶺黃伯陽洞金絲洞蓮花峯佛寺峪卽谷
山寺寺址卽周明堂中有峪泉下爲天津河山谷聯屬嶽
頂蓋四十里臺之東北爲鳳皇池會仙菴肅然山臺之南
爲鶴山玉女山山半有黃華洞洞卽後石屋玉女修真處
下有飲虎池大燭山小燭山仙鶴灣天井灣西轉爲明月
嶂臺之西北有北拱臺南拱臺北天門獅子峯船石分金

石石後山方正石土嶺頭老鴨尖懶張石屋黑闔石屋清
天嶺自老鴨尖西下爲上石屋卽雲臺菴下石屋卽桂師
菴青龍宮黃石崖直至襍山思鄉嶺長城嶺鐵佛寺傅老
菴桃花洞自襍山南而突起者爲鵬窩峯猴愁峪西風門
峪桃花峪黃山中有白練石屋皆屬嶽之北近之爲歷山
爲長白遠之非燕趙太行之閒乎嶽頂以北由太平頂漢
登封臺而左爲日觀峯日觀峯雞鳴時見日出於海高三
丈漢登封臺或云宋者非云禪者誤俗名寶藏庫峯之東
爲鵬窩峯獨秀峯東神霄山望海石伏虎門鶉鴿崖峯之
南爲舍身崖可止臺東天門旛杆石婁子洞崖西下有遙

分覽一

岱覽卷第十

岱頂下

三

果克山房

觀洞卽昭真庫蛻仙巖卽王老石屋水仙寨朗然子洞藥
園千戶廳中嶺山水牛埠艾窩觀星峪東南十八里爲漢
明堂旁有謝過城夾谷會後齊人歸魯龜陰田以謝過處
嶽東南地曰谷里卽夾谷皆屬嶽之東者近之爲汶陽之
田汶河淄河諸水遠之非青登蓬萊海島之閒乎嶽頂以
南由玉女池德星巖而前爲周觀峯周觀峯可望洛邑峯
之東爲仙人橋試心石東影翠石獅子崖五花崖崖西有
避風崖虎頭崖白雲洞鎖雲巖三靈侯廟南天門卽三天
門門左有上清界坊彌高巖朝陽洞卽古迎陽洞洞上有
半山亭宋真宗曬袍松龍泉峯九龍峪小龍峪飛龍巖洞

下爲攔住山御帳坪坪上有秦封五大夫松始皇眞宗嘗
駐此又下爲望駕石護駕石快活山蛟龍石黃峴嶺迴馬
嶺中有玉皇廟登仙臺十峯嶺翔鳳嶺古雲巖歇馬崖三
字崖凌漢寨雲頭埠白羊坊水簾洞大藏嶺炮高嶺石經
峪中有石經臺高山流水亭萬兩溪公石壁記水簾崖瀑
經石下爲楊老塢分水嶺東溪山箭杆峪峪東升仙嶺青
山南擒虎山東岱道菴西巖巖亭虬在灣飲馬菴玉母池
飛鸞泉滌塵泉呂公洞后土殿老君堂卽古岱嶽觀中有
漢柏唐鴛鴦碑下爲三皇廟艷都廟轉北爲一天門坊孔
子登臨坊天階坊飛雲閣中溪山斗母殿而轉西爲人祖

分覽一

岱覽卷第十

岱嶺下

四

果克山房

殿升元觀白鶴泉艷都峪眼光殿青帝觀岱麓書院又轉
而南爲鳳凰臺漢宣帝時鳳皇集處郡城中爲岱嶽廟中
有唐槐古柏西爲長春觀東爲先師廟南爲會眞宮魯兩
先生祠城外南有升中古蹟陰字碑亭西爲天書觀醴泉
亭高里山鬼仙洞社首壇中有環翠亭再轉而南爲宋封
祀壇朝覲壇舞鶴臺皆屬嶽之南者近之爲云亭梁父徂
徠嶧諸山沂泗諸水遠之非吳越之交衡廬之勝乎嶽頂
以西爲吳觀峯吳觀峯可望吳門孔子望吳閭門指示顏
子處下爲君子峯右爲越觀峯越觀峯可望會稽一名月
觀謂與日觀相對云峯之東爲仙閭巖西影翠石峯之西

爲西天門延至青嵐嶺兩峯巖西神霄山三尖山以南九
女寨回雁峯卽雁飛嶺火焰山仙人掌傲來山劉盆子寨
天勝寨雞籠懸刀芙蓉飛雅漢諸峯下連馬蹄峪觀音
洞白鶴洞鳳皇山竹林寺西北百丈崖天紳泉仙影崖白
龍池西溪山元圭石忽雷灣耀星灣鑼鼓灣普照寺周樸
菴今仰德堂三陽菴胡安定公投書澗孫泰山公讀書授
經諸臺石徂徠公侍立景賢諸石南下大峪口又有大石
匣小石匣藏劍匣試劍石三元石搗鼓石皆屬嶽之西者
近之爲靈巖爲長城鉅防遠之非秦晉河源崑崙太華之
勝乎以此而言則其稱至四千里者殆又不足以盡之大

分覽一

岱覽卷第十

岱頂下

五

果克山房

抵傳記所載未必悉合或極夫蟠互而侈言之或卽夫柴
望之地而約言之不越以紀其形勝耳及攷其當時巡守
則唐虞天子五載一巡守歲二月東巡守至於岱宗夏后
氏因之周制十二年一巡守歲二月東巡守至岱宗觀諸
侯於明堂自是而漢之光武孝章孝安魏之明帝隋之文
帝唐之高宗亦莫不因焉望祭則王制歲二月東巡守柴
望祀山川周禮小宗伯四望五嶽魯世家周公封魯伯禽
爲魯侯遂得主泰山之祀自是魯僖公宣公之猶三望漢
宣帝之歲五祀章帝之幸祀泰山魏文帝晉成帝後魏景
穆帝唐高祖太宗德宗宋祖金元亦皆有望封禪則無懷

氏封泰山禪云云伏羲神農竝因之黃帝禪亭亭顛項帝
嚳帝堯帝舜復禪云云禹禪會稽湯復禪云云其所封皆
於泰山焉周成王封泰山禪社首秦始皇封泰山禪梁父
漢武帝封泰山禪肅然光武封泰山禪梁父唐高宗元宗
宋眞宗皆封泰山禪社首若乃登覽則孔子遊泰山嘆苛
政猛於虎顏淵從孔子辨繫練於吳門曾參歌梁山以力
耕孟軻感覆雲以彰瑞伯牙善音於霖雨之操延陵合禮
於贏博之封孫明復嘆春秋之微石守道篤侍師之敬胡
瑗寘書而投澗許衡寓魯以名齋雲遊則安期生授少君
神樓之劑稷邱君識漢武升高之危巨和著安道之名純

分覽一

岱覽卷第十

岱頂下

六

果克山房

陽雷憩洞之跡張仙繫林檎以示異長春演眞教以稱仙
張志純悟道於天倪徐世隆辨才於三子王從之化踟躕
而仙巖蛻故成興公通元祕而泰頂完眞讚述則刻石銘
篆諸李斯封禪書遺諸相如磨崖碑勒於唐元宗陰字碑
書於宋眞宗張說頌舞鶴之臺晁迴銘天齊之號王欽若
有社首頌陳堯叟有朝覲文王旦頌於封祀壇楊億序於
天貺殿洪邁記于泰山楊柏仁紀夫岱廟宇文子有宣和
之製杜翺有延禧之述徐炎記萃美之亭党懷英譔谷山
之刻題詠則仲尼邱陵之歌張衡四思之什曹植有飛龍
之篇陸機有泰山之咏謝靈運李白之吟泰山張養浩李

簡之咏登岱王奕王憚有漢柏之句范致沖王旭有竹林
之作杜甫之望嶽盧照鄰之登封劉禹錫遺詩鍊師蕭楚
材賡和展禮丁春澤爲日觀賦杜仁傑爲天門銘王欽若
紀登泰山李義府遙敘封禪梅聖俞之登岱嶽蘇軾之游
靈巖洞賓揮句於金母池張志純覽勝於桃花峪凡夫省
方面答貺覽勝以窮奇宣幽而發祕者亦率於是焉是皆
不可以無紀者內史氏綱曰余讀魯頌泰山巖巖魯邦所
詹及孟子云孔子登泰山而小天下未嘗不嘆其形之勝
也至讀舜典封山之文戴記升中之語則又未嘗不嘆此
之足以爲民病也追讀文中子有曰舜一歲巡五嶽國不
費而民不勞者兵衛少而徵求寡也後世少兵衛則不足
以防窺伺之奸寡徵求則不足以備羈勒之用然後知封
告之非能以病民而時有不可舉之適足以爲民病也國
朝名山大川但因本稱而未有封號歲時遣祭不廢卒未
嘗舉封狩之典說者以爲度越千古其在茲也豈不信哉
豈不信哉矧其制作之盛如聖祖泰山高之賦列聖遣祭
之文昭回天地而文臣賢士羽客騷人若薛瑄王守仁李
夢陽李東陽輩品題不輟又有以備一代之文章固有不
待封而崇者矣登覽者豈獨以其形之勝已哉是用記之
以告來者萬歷九年癸酉歲春王月之吉。右記眞書勒

分覽一

岱覽卷第十

岱頂下

七

果克山房

張天祚詩刻碑陰

望吳峯勒孔子崖漢官儀云吳觀者望見會稽韓詩外傳孔子與顏子望吳門顏子以爲白練孔子曰馬也相傳登此峯因以名崖攷春秋傳魯東門曰雩門雩吳音近或者其魯東門與然論衡曰知錄則已辨之詳矣泰山小史云孔子崖廟在岳頂玉皇廟西下半里孔子小天下處或此地也有朱晦翁石跡明建過化亭圮嘉靖間朱尙書衡創議建孔子廟萬歷間郝推官大猷修正殿三楹繚垣南爲門譚侍御耀毛侍御在查運使志隆奉至聖銅像及四配像如學宮制增修兩廡置廟祝焉後知州秦懋約以非禮撤去康熙十五年吳雲分覽一

岱覽卷第十

岱頂下

八

果克山房

楊霖重建礮石爲像乾隆三十五年改建舊基之南

皇上額曰因高喻大前有坊李樹德題望吳聖蹟泰山志云越觀峯下爲孔子崖王士性云越觀以望吳門匹練然則吳也越也皆可攬之茲峯耶廟西崇岡兀兀可凭傳爲呂純陽仙之所登也曰登仙臺稍東南爲鬪仙巖

國朝重建岳頂聖廟碑文曰岱宗聖廟厥蹟最古見於岱史及碑碣可攷者在日觀越觀諸峯間屢遷旋圮神罔攸憑楊公玉峯近自轉運遷秩駐節泰安禮岱訪聖蹟而慨之尋入京其同里吳君舫翁時爲公之長子師謀復聖廟馳書於公公曰子志也遂專力成之余同舫翁及公子登

岳相地下基於德星之巖與岳廟鄰定基三楹刻期完工
聿觀厥成焉竊惟岱宗禋祀奔走天下盛矣然士大夫侈
遊觀之樂愚夫亦且竭終歲之奉期得歆格天若將有所
饗答於厥躬今於風奔雲馳之餘忽覩所謂聖人者曰是
綱常之宗名教之準也君臣父子夫婦朋友兄弟之倫不
外知能行習惠逆之故捷於影響庶幾憬然有所感發而
返求於乃心是亦振蒙覺感之功有大助於人心者也豈
但補岱祀之典哉小子忝末裔竊微祿於茲土快覩公之
能振於吾道也於是乎記。右孔貞瑄撰今佚

孔子崖題勒文曰泰山喬嶽

吳謙

嵩河一覽華嶽遙瞻

分覽一

岱覽卷第十

岱頂下

九

果克山房

劉若水

過化亭

因柱俱真書

〔明〕杜文同登仙臺危磴上緣雲漢高臺迴絕塵囂夜半月
明青嶂疑聞笙鶴山椒

〔國朝〕趙國麟岱頂孔子廟落成志喜兼呈州司馬石門張
公岱宗鎮青方長男出乎帝胡為崇陰祀楮幣走海內或

云軒轅女荒誕誤後世詎知岳降靈實為聖賢地巖巖魯
邦瞻尼父獨登莅絕天下小練馬顏淵侍千秋欽過化

人與茲山配有識謀禋享孔吳稱同志石像創舫翁

本朝
岱頂

建殿始於豫章吳舫翁
闕里孔壁六兩先生

懇懇不朽計憶余少年時匍匐拜

階砌殿廡尙肅整門扉嚴啟閉頽圯二十春風雨不能蔽

觸目傷心神太息繼流涕橋李來張公吾道重有係經營
聖人居下土勞瘁寐一年新泮宮三載復廟制隆棟聳層
霄丹碧映蒼翠拾級儼升天登堂立雲際廟貌雖已新釋
奠禮未備大聖坐廡下四配紛委棄瞻拜喜復悲對之不
忍視更恐剛風烈摧毀亦甚易再拜禱太山盛事願有繼
石固不得崩木堅不得脆人存道自興繩繩千萬歲

漢王充論衡書虛篇傳書或言顏淵與孔子俱上魯太山
孔子東南望吳閭門外有繫白馬引顏淵指以示之曰若
見吳閭門乎顏淵曰見之孔子曰門外何有曰有如繫練
之狀孔子撫其目而正之因與俱下而顏淵髮白齒落遂

分覽一

岱覽卷第十

岱頂下

十

果克山房

以病死蓋以精神不能若孔子彊力自極精華竭盡故早
夭死世俗聞之皆以爲然如實論之殆虛言也案論語之
文不見此言攷六經之傳亦無此語夫顏淵能見千里之
外與聖人同孔子諸子何諱不言蓋人目之所見不過十
里過此不見非所明察遠也傳曰太山之高巍然去之百
里不見蝻螺遠也案魯去吳千有餘里使離朱望之終不
能見況使顏淵何能審之如果庶幾者明目異於人則世
宜稱亞聖不宜言離朱人目之視也物大者易察小者難
審使顏淵處閭門之外望太山之形終不能見况從太山
之上察白馬之色色不能見明矣非顏淵不能見孔子亦

不能見也何以驗之耳目之用均也目不能百里則耳亦不能聞也陸賈曰離婁之明不能察帷薄之內師曠之聰不能聞百里之外閻門之與太山非直帷薄之內百里之外也秦武王與孟說舉鼎不任絕脈而死舉鼎用力由筋脈筋脈不堪絕傷而死道理宜也今顏淵用目望遠目睛不任宜盲眇髮白齒落非其致也髮白齒落用精於學勤力不休氣力竭盡故至於死伯奇放流首髮早白詩云惟憂用老伯奇用憂而顏淵用睛蹇望倉卒安能致此

明查志隆岱頂修建孔廟議竊以聖之有孔子猶山之有泰岳也豈惟誕育降自岳神迺其里居尤爲密邇想轍環

分覽一

岱覽卷第十

岱頂下

土

果克山房

之日師弟子相從登高覽勝者屢矣故孟子則云孔子登太山而小天下禮記檀弓則云孔子過太山側問婦人之哭而嘆苛政猛於虎列子則云孔子遊於太山問榮啟期之三樂而善其能自寬韓詩外傳則云顏子從孔子上太山望吳閻門之繫白馬而顏子對以有如繫練孝實錄則云曾子耕太山下思其父母而作梁山歌凡此故實鑿鑿可據若孟子生時則其母夢神人乘雲自太山來覆於其居而宋儒稱之曰泰山巖巖氣象其言豈無稽哉由斯以觀則太山勝蹟孔子稱首而顏曾孟三賢皆踵其芳躅者也夫何時世變遷踪跡泯滅惟孔子崖銅像僅存殘毀者

半而顏曾孟杳然無可攷見夫老佛之宮廣袤山谷燦爛
丹青固無庸論卽宋儒孫明復石守道兩先生猶然俎豆
泰岳之麓而聖如孔子賢如顏如曾如孟生平固其涉歷
之地沒後獨無棲神之所臨風弔古寧不感悽案岳頂玉
帝觀之西有空殿三間蓋先任濟南府推官郝大猷創議
營構原爲崇奉孔子繼以遷任未竟始謀當因其舊貫加
以繕修於殿內設孔子神座神主正中南向而東西配以
顏曾孟併入子思各神座神主東西相向一如學宮之制
春秋丁祭每歲管香稅官備辦祭品照州縣釋菜果肴各
神座前一桌其特牲則總供猪一口羊一口本官如期致
分覽一

岱覽卷第十

岱頂下

三

果克山房

奠仍於殿旁構道房三間責令本山道士二名常住看守
報名在官以便稽查及孔子崖銅像亭宇一併修整仍於
舊址供奉則聖賢遺跡足慰萬世之瞻仰矣以此紀載簡
編不亦輝奕也哉

國朝顧炎武譎觚來札孔子雖聖亦人耳何能泰巔一千
八百里外觀吳門之馬足下未深思故有此疑曲阜城有
吳門直吳如蘇州北門曰齊門之類是也鄙著無此一事
今之曲阜竝無吳門古之魯城亦不載有此李君何以知
之且此事本出王充論衡云書或言顏淵與孔子俱上魯
泰山孔子東南望吳閭門外有繫白馬引顏淵指以示之

曰若見吳闔門乎顏曰見之孔子曰門外何有曰有如繫練之狀孔子撫其目而正之因與俱下下而顏淵髮白齒落遂以病死今詳其文於泰山則系以魯於闔門則系以吳古人之文不苟如此安得謂是魯城之門又云人目見不過十里魯去吳千有餘里使離朱望之終不能見況使顏淵何能審之此又論衡之言而非僕之言也

明毛在岳頂至聖廟春秋上丁祝文維聖天縱惟岳降神大哉孔子優聖絕倫乾坤化育帝王經綸岱宗仰止振衣登臨一時過化萬載洪鈞肅瞻廟貌吾道常新涓茲春秋仲敬薦明禋

分覽一

岱覽卷第十

岱頂下

三

果克山房

振衣岡故鬪仙巖也多宋元題名明人大書振衣岡三字鑿蝕過半吁林焯之毀唐頌翟濤之毀宋碑明人好夸大務名求蓋古人大率類此巖上有魯班洞稍北有北斗壇萬歷時築其下門四達上平臺設文石二云輔弼星蓋取泰山北斗之義又東危石高聳蒼然若鼎彝上勒天柱峯亦明人名之語辨玉皇頂東北崖石罅涓滴如貫珠曰珍珠泉一晝夜可得斛所味殊淡永又西南爲鳳皇山有長離拂羽之狀舊有蓬元坊名山洞天福地記第二洞東嶽泰山周迴一千里名蓬元太空洞天故明人題此坊今圯南爲象山亦以狀名其陽有白雲洞鳳皇山也東爲圍屏峯

〔宋〕馬熙題名文曰新兗守尙書外郎馬熙自仙源來謁帝祠是日登嶽遍遊東西絕頂新宿州掌嶽掾林會從大宋熙寧八年二月二十四日。右眞書勒天柱峯石上高廣二尺許分七行字徑二寸左讀

劉袞題名文曰兗海守劉袞奉詔祈雪次謁玉女祠率巡山劉孟邑令林會登二絕頂臨四觀遍覽勝槩元祐丁卯孟春三日。右眞書勒崖縱廣二尺橫廣三尺凡八行字徑三寸與馬熙題名同一石案宋史哲宗元祐元年十二月戊申詔以冬溫無雪決繫囚是以二年正月三日有兗守祈雪太山之詔也林會前爲掌嶽掾越十二年乃爲邑分覽一

岱覽卷第十

岱頂下

古

果克山房

令殆卽奉符縣令也

〔上官均題名文曰京兆上官均以使事抵奉高同靖恭楊昇遊岳頂觀日出覽歷代遺蹟紹聖二年十月七日。右眞書勒巖仙巖凡五行字徑寸五分宋史上上官均邵武人紹聖初拜右正言以章惇怒遷工部員外尋提點京東淮東刑獄此云使事當是提點刑獄唯云京兆與史不合

趙合緋題名文曰開封趙合緋紹聖改元濟南從事罷官敬謁帝祠時窮冬不能遊岱宗快恨而去明年爲東魯別駕復得以職事思造祠下遂登絕頂東望日出遍觀古跡巡山張佖邑尉劉迹同行紹聖三年四月朔。右眞書勒

鬪仙巖凡十行字徑寸五分

張泌等題名文曰開封張泌宛陵梅昌術同登太平頂介
卞老虞侍丙子四月十七日。右真書勒鬪仙巖上五行
左讀字徑二寸丙子卽紹聖三年也

元商挺題名文曰歲在己酉三月二十八日與上谷劉詡
原武精口煒同登曹南商挺題并書。右真書勒鬪仙巖
側

嚴實禮嶽祠記。右刻己酉七月杜仁傑撰文商挺真書
在鬪仙巖爲振衣岡三大字所掩

劉詢等題名二則文曰長樂劉詢都陽程振程邁同登太

分覽一

岱覽卷第十

岱頂下

五

果克山房

平頂觀日出時元口壬辰四月左讀 歲己酉十一月初

五日泰安州刺史張郁建立大行臺嚴公磨崖二碑摸勒

鄉貢進士王天定吏目梁弼徐昇王坦石匠高政男高源

楚太周仙王成監修司候判官范元謹題。右二則竝真

書勒鬪仙巖側前則五行在上段後則八行在下段前則

時元口壬辰四月七字旁注觀日出之下攷歲己酉爲蒙

古定宗之四年壬辰當在其前爲金哀宗天興元年元下

或是年字或元字似天字未可臆決姑竝列於元初

圍屏峯志稱懸石峯舊有老君堂圯東偏爲虎頭崖巨石狀
臥虎也南迤東爲避風崖石丁深靚向陽宋人題刻殆遍東

北有萬壽殿亦曰御香亭萬歷四十二年建祀九蓮菩薩造大銅鐘上有御製鐘讚崇禎十四年增祀智上菩薩殿圮移像青帝宮置鐘後石屋矣蓋兩朝太后祔廟時先後以菩薩建祀岱巔竝祀山麓天書觀語詳分覽四中

宋晁補之等題名文曰補之及之貫道自絕頂迴歇此巖下○右真書勒避風崖東補之卽晁无咎也

張進等題名六則文曰饒陽鎮田完全史賽李千遊岱頂庚子三月六日記張進口 磁州左口揚式王立楊致曹

渙宣和次歲三月口日遊此 保順軍安立同妻牟氏并男口奴外生魏琦宣和次歲三月六日登頂遊此記 千

分覽一

岱覽卷第十

岱頂下

六

果克山房

乘縣十河店陳文鉅宣和二年遊頂記 沂州沂水縣張

買奴遊頂宣和二年三月十日記嚴青口 鉅野薄文叔

劉子口張恭文遊頂迴宣和庚子三月十五日○右六則

竝真書勒避風崖西爲天街廬市所掩宣和二年歲在庚子張進題名雖未書宣和玩其詞筆自是同時所勒

明金紹裕詩刻文曰丹崖翠壁接晴空萬里湖山入望中回首扶桑天咫尺滿身香霧立空濛○右行書勒避風崖

上

峯上題勒文曰日近雲低

崔應騏真書

白雲洞在象山南崖又爲鎖雲崖又曰雲高漢書武帝封禪

祠其夜若有光晝有白雲起封中洞在封禪臺南下雲從洞出郁紛上騰望之自封中起也明王衡記云洞巉巖多竅雲出如線蒼匄滿山四馳而縷結爲一卽爲雨媒泰山小史云由蓬元坊南行數武石磴陡絕近百級洞勢深窈人不能到居民占雲以下晴雨洞頂東北夷曠明巡撫李戴建白雲軒上有坊亦顏白雲今竝圯

皇上御製白雲洞詩勒壁洞南深谷陡削或稱百丈崖水西南流入石壁峪折而東爲砧子石池西爲南天門

明白雲軒碑文曰今歲夏余祇奉上命填撫東土時苦旱魃爲災未及受代輒禱於泰山之神爲元元乞一旦之命

分覽一

岱覽卷第十

岱頂下

七

果克山房

竊私念公羊傳所稱不崇朝而雨天下者泰山之雲也今安得爲雲爲雨卽符所禱哉已而見白雲裊裊布漣山谷自白雲洞中出也因往躡之則在鳳凰山之陽石磴陡絕而下洞高丈許廣亦稱是有石竅廣二尺深僅尺許而洞之下陡峻深谷不可測所謂百丈崖者是也洞中石竅四時水常溢注其來無形不知所自夏月愈盛沛然旁達故相傳爲龍洞甘霖又曰雲根雨岷云余於此益信兩天下之言不誣也圖所以標其勝宜無如斯言者一日以語鹽臺譚惺堂侍御則手筆雨天下三字勒石洞門余檄有司樹之坊坊稍北構亭一楹亭稍北構軒三楹而軒之宅

勝最奇背負石壁如屏左右如翼獨開一面甚闊曠憑檻
俯視大小龍峪如蒼龍噴水而山麓行人摩肩接踵雜遝
如蟻近眺則徂來當其左傲來當其右遠眺則云云亭亭
尼邱梁父環列星羅畢獻奇偉噫斯天下之大觀陟斯洞
憩斯軒者寧無霖雨天下之思乎哉奚但選勝擘秀云爾
有司謁余記之是舉也前案臺韓西元侍御與其議今案
臺毛文源侍御會其成其餘有司執事勒之碑陰。右記
萬歷十四年巡撫李戴撰並書今與軒俱佚

張壽朋題識文曰臥雲萬歷戊子臘南昌張壽朋書於白
雲洞之石梁。右臥雲二大字並後小字皆八分書勒洞
分覽一

岱覽卷第十

岱頂下

六

果克山房

內

三峯題識文曰姬周墨客羽化三峯回公題三峯舊主述
。右行書勒洞外左壁泰山金石攷云三峯卽遼東張君
實號三丰者未知是否刻無年代語亦俶詭姑錄於此
崖上題勒文曰五嶽獨宗 張元濟 雨天下 譚耀 山河
一覽失名俱真書

洞內題勒文曰白雲深處

鎖雲

俱真書失名

唐高孚白雲起封中賦

以皇漢施德 告成爲韻

客有遭逢漢昌從

武帝而登岱觀白雲之効祥曰此蓋非常不飄不揚初起
封中方都以呈象稍浮山上乍英英而有光原初出之

義也告成我皇我皇德以靜人威以平難廓清諸夏光啟
大漢俗既和兮攷時巡禮既備兮登日觀惟天輔聖無雨
則其明徵惟岳通元出雲所以幽贊不然者山有四岳胡
獨興於此地有四極胡不普而施觀耀質以流彩若無心
而有知無心者何隨車而動息有知者何表聖之功德帝
穆清以修祠雲故清其容帝貞白以爲心雲故白其色豈
徒然也君爲萬國所仰岳乃眾雲所屆其垂思儲精登封
俯拜亦庶乎明神斯答景福攸介故夫是雲也乘元氣而
出冠靈壇而浮不漠漠以四散直亭亭於上頭祥光內朗
瑞色旁流既表慶於茲日復增華於介丘此可以見其無

分覽一

岱覽卷第十

岱頂下

九

果克山房

疆之休者也且夫刻石者所以紀號泥金者所以昭告必
元德之已升乃茲山之可造若齊桓僭侈秦帝驕暴縱傾
國以修封豈嘉祥之云報美矣哉晝日斯清瑞雲孔明網
縑蕭索下應一人之感髣髴影響旁聞萬歲之聲彼入房
彰於殷帝浮河表於周成豈可與茲而名哉

唐呂溫白雲起封中封開白雲起漢帝坐齋宮望在泥金
上疑生祕玉中攢柯初繚繞布葉漸蒙籠日觀祥光合天
門瑞氣通無心還出岫有勢欲凌風倘遣成膏澤從茲遍
太空

李正辭白雲起封中千年泰山頂雲起漢皇封不作奇峯

狀寧分觸石容爲霖雖易得表聖自難逢冉冉排空上依
依疊影重素光非曳練靈貺是從龍豈學無心出東西任
所從

國朝趙國麟白雲洞出洞本無心入洞亦無意洞中貯白
雲崇朝滿天地不過膚寸耳寧知莫思議雨徧天下歸白
雲仍此寄

南天門卽三天門距絕頂五里登頂者必由焉漢官儀記云
早食上晡後到天門郭使者得銅物狀如鐘方柄有孔疑封
禪具卽此地聞見錄云經天門十八盤峯尤聳北眺青齊諸
山可指數信天下偉觀也泰山小史云三天門在十八盤上
分覽一

岱覽卷第十

岱頂下

手

果克山房

高插霄漢兩山對峙萬仞中鳥道百折危級千盤松聲雲氣
迷離耳目衣袂之閒俯視下界則山伏若龜河環如蚓天空
地闊無可名狀泰山圖志云磴道盤空一關獨啟而朝天有
路矣上有閣曰摩空門內舊祀三靈侯通志云宋眞宗見三
神人於天門因加封建祀後改置鳳皇山今圯移鳳皇山之
關帝廟於此

皇上額曰乾坤正氣廟東北舊有石坊題升中圯東爲天街
廬而市者餘三十家東接避風崖道里記謂卽應劭所云東
上一里得木甲地也木甲漢武時神池北爲

御題雲巢行宮乾隆十三年建今改建山麓白鶴泉故址爲

唐蘇源明讀書處杜甫詩武功少也孤徒步客徐充讀書東
嶽中十載攷墳典舊有五賢堂祀孟荀揚王韓五子又有肩
吾軒石林館皆灌漑無攷矣西爲萬福泉石穴中甘泉如漢
萬歷時建萬壽宮泉從石罅湧出中官汲以羞上賜是名遊
人多掬以滌目稍北爲避人厂幽僻可棲其西爲西神香山
元天門銘文曰泰山天門無室宇尙矣布山張鍊師爲之
經構累歲乃成可謂破天荒者也齊人杜仁傑於是乎銘
之。元氣裂兩儀具五嶽峙真形露惟岱宗嚴箕踞仰彌
高屹天柱浩千劫室來去誰爲鑿起天慮匪斤斧及祝詛
一竅開達底處十八盤盤千步齊初吐抱圍樹日車仄慘
分覽一

岱覽卷第十

岱頂下

五

果克山房

曦馭六龍頽莽迴顧踏此往嘉無數無懷下兵刑措七十
君接鑾輅聖道息彝倫敦敦揖讓歇篡奪屢忽焉闔梗無路
象緯森敕呵護朝百靈由茲戶金璀璨朱闕布九虎蹲萬
夫怖我欲叩闈者怒闢何時坦如故對晁旒獲控愬豁蒙
蔽泄塵霧刮政疵剔民蠹上得情下安作額血殫帝聰悟
崖不靡蒼壁豎刻我銘期孔固垂萬世正王度。東平路
總管嚴忠範書中統五年正月望日泰安州刺史張汝霖
勒石淵靜大師岱嶽觀主劉德源昭真觀主翟慶真同立
高又元刊。東萊藍田至。右本泰山金石攷云三天門
外西側東向有自然碑高六尺三寸闊四尺八寸厚七寸

堅潤色淡赭形制天然不加磨礱勒天門銘字十八行行
二十一字字徑二寸銘辭古雅楷法端嚴一佳刻也東萊
下五字篆於右方之上今卽其地築臺而是碑遂損且瘞
矣幸存有拓本可證

〔明〕陳沂南天門望入天門十二重翼然飛舞半虛空千尋
不假鉤梯上一竅惟容箭筈通風氣蕩摩鵬翮外日光搖
漾海波中欲求閭闔無人問但擬彤雲是帝宮

李學道登天門石磴層層破紫氛半空飛翠洒衣裙煙迷
下界羣仙渺虹跨寒霄兩壁分無數琳宮依絕巘有時元
鶴傍輕雲蓬萊高處風微動隱隱鐘聲天外聞

分覽一

岱覽卷第十

岱頂下

三

果克山房

袁宗泗三天門攀蘿經御帳駐馬憩秦松直劈峯雙立斜
盤級萬重山腰驚雨過峪口亂雲從此天闔叩方知第
一峯

蕭協中萬福泉新祠開萬壽地脈細流通斟酌饒瑤液芬
馨福闕宮甃觚烹石白花逕勵泉紅蠲疾非關橘傳香或
隱龍邨罌勞驛置調鼎契宸衷賜額來雲外祥光徹湖中
涓涓邀錫祉激激兆年豐澌咽僊韶竝甘醇沆瀣同玉盤
澄霽月溪穀皴輕風元貺酬難竭重湫濬不窮琳腴山獻
瑞石罇鬼輸工倚杖流連久塵緣一洗空〔三天門十八
盤中仰碧巖隱通金闕峙元霄雲橫鳥道松聲沸日轉天

門殿影搖斷鐵千尋遊屐滑捫天尺五俗氛消大觀世界
渾無極衣惹香蕤風送遙

〔國朝〕成城南天門山勢兩崖立天門一線通手攀危磴上
人在亂雲中杳藹空諸界艱危攝寸衷平生搔首意今日
叩高穹

西神霄山雙巒峭拔或謂之兩峯巖與東神霄山相望峽口
有臥馬峯狀以石峽水南流至對松山東注龍峪方輿紀要
云下有西溪神廟今圯頂之在西南隅者較東南尤縈青繚
白外與天際由是而西以北差避隱蓋奧鬱矣

頂迤西爲周觀峯太山記所謂望見齊者也又西爲石馬山
分覽一

岱覽卷第十

岱頂下

三

果克山房

在避人厂西北遊岱陰黃華洞道也明呂坤題其巖曰迴車
云自丈人峯東趾下坡陵五六里猶可車至亂石溝獨足盤
則懸崖巉嶮大石峻嶒足令王陽動色又西爲西天門

西天門石自門焉兩壁如削象魏天成廣容乘車二个高四
廣一上橫石如檐而北斷明林古度勒曰西闕其下爲上桃
峪西北麓桃花峪源也中一石卓立爲君子峯其南爲月觀
〔明〕鍾惺題識文曰立石如扉下視楂柯忽憶白帝城望江
中淫預石時也鍾惺。右眞書勒西天門右南向

月觀峯西天門之南南天門之西也泰山小史云與日觀對
峙而危聳更甚以月朏庚方故名訛曰越觀因秦觀吳觀而

稱之西偏怪石谿道里記謂卽泰山記所云山頂西巖爲仙人石閭也未知是否月霸於是乎載營意者其月厓歟
〔明〕鍾惺等題識文曰楚鍾惺歛吳惟明挈孫勗念閩林古
度萬歷丙辰十月五日至西天門煙定風歸目恬新霽古
度復題西闕二字。右眞書勒峯西北近西天門

頂西稍北爲丈人峯峭石勒峯名色如凍梨狀如台背酉陽
雜俎云元宗封禪泰山張說爲封禪使女壻鄭鑑本九品官
封禪後因說就遷五品兼賜緋服元宗見鑑官位騰耀怪而
問之黃旛綽曰此泰山之力也俗稱外舅曰泰山曰丈人本
諸此元黃氏筆記云俗呼婦翁曰泰山說者以爲泰山有丈
分覽一

岱覽卷第十

岱頂下

十四

果克山房

人峯然古者通謂尊長曰丈人非特婦翁也或又引張說東
封事其說尤鑿案漢郊祀志大山川有嶽山小山川有嶽壻
山嶽而有壻則嶽可謂之婦翁矣世俗稱謂當以是或又因
東嶽有丈人峯而專指泰山耳蒙案丈人峯在頂畔諸峯中
爲最高下視層嶺疊嶂皆如兒孫羅列諸峯雲起上騰抑於
剛風垂而廣被彌綸所極羣峭盡失都成巨海丈人獨出雲
表此峯之所以尊也上勒

皇上御製詩下有碾陀泉天將雨泉乃沸峯北迤東爲北天
門

峯壁題勒文曰東柱

中天獨立

凌霄峻極

天下第

一山竝眞書失名

明劉應時丈人峯丈人石上望羣山吳越周秦指顧閒過
去青牛追不極飛來白鶴香難攀東皇細削芙蓉闕玉女
深居虎豹關咫尺蓬萊天路隔尋仙不遇只空還

杜文同丈人峯遠勢噴吭几案諸峯羅列兒孫丈人挺挺
獨立欲排閭闔天門

蕭協中丈人峯試問此丈人岱宗何所起脈出崑崙巔泉
通滄海底造化毓陰陽死生在蒿里玉檢總難憑金書未
足侈虞封猶可馨秦禪能無滓國步有天司功德非山紀
豈其七十君可已而不已願破千古疑爾我證元始

分覽一

岱覽卷第十

岱頂下

壹

果克山房

北天門迴車巖北舊有石坊額元武門設香稅分理官稅由
陰道登謁者今竝廢北天門南天門倚坤乾之位非坎離分
戶蓋山勢西馳也

其在頂東北者惟鶴山距頂七里高差亞頂松敷崖畔胎禽
巢焉有趺然足音斯驚翼摩空高唳雲表矣自絕頂以西而
北山勢懸斷峯巒頗竦若更嶮於前茅則後勁之奇也要其
拔地倚天大都皆出絕頂下矣

明蕭協中鶴山疎泉白石樹清幽來往靈禽最上頭聲徹
嶽雲宵警露飛凌海月羽橫秋王喬一去仙蹤遠華表重
歸世路悠爭似此山棲啄穩夢魂何必遶丹邱

論曰太平御覽引漢官儀及太山記云泰山盤道屈曲而上凡五十餘盤經小天門大天門仰視天門如從穴中視天窗矣自下至古封禪處凡四十里山頂西巖爲仙人石閭東巖名日觀者雞一鳴見日出又東南名秦觀秦觀者望見長安吳觀者望見會稽周觀者望見齊黃河去泰山二百餘里於祠所瞻黃河如帶若在山南亦足以狀茲山之峻且遠矣少陵詩云齊魯青未了又曰一覽衆山小非置身巉巖之上烏足以知之

明陳璉登泰山賦巍乎高哉岱宗之爲山也欽岑磅礴峻

極高崇爲齊魯之巨鎮奠后土之龐鴻蓋扶輿清淑之氣

分覽一

岱覽卷第十

岱頂下

三

果克山房

至此凝而不散乾坤闔闢之機由此蘊而無窮此其紀名載籍爲羣山之宗者乎宜乎廣也無明高也無匹東蒙遜其森秀徂來讓其紆鬱夾以梁父輔以長白巍巍之高四萬餘尺齊州九點視猶螳垤陰陽轆轤日月出沒煙霞嵐靄吞吐鬱勃神奇靈異變化莫測揆耳目之聽觀曾不究其萬一所以表七十二君封禪之壇爲三千餘里鬼神之宅也時余典司桂籍旋旆瑤京行尋洙泗思訪祖庭招白雲而徑進乘飈輪而迅征旣載臨於社首遂弭節乎巖扃於焉披榛莽陟崢嶸雖一冒於垂堂償夙願於平生信飛步之自然履嶮巖而如平喜上躋於天門紛鸞鶴之來迎

遂登絕頂以縱大觀東臨日觀之峯西陟月華之巒肅瞻
岱宗之主行尋封禪之壇玉牒何在金泥已乾望仙山兮
延佇撫秦松兮盤桓振塵衣兮巖際舒長嘯兮雲端維時
季秋金氣始肅天風號寒響振林木候陽光之熹微漸華
星之爛煜嬉遊已契乎夙心棲息喜安乎幽獨爰假榻於
洞房喜清夢之方孰儼羣真之下臨來麾幢之聯屬驂以
青鸞導以白鹿招我乎瓊臺宴我乎瑤屋擘麟脯以薦霞
觴歌洞章而鳴絲竹從而遺以元圃之芝贈以崑崙之玉
語以象外之言授以長生之錄嘉會未終歸興何速倏焉
壁月西流天雞咿喔琪林飛鳥玉關控鶴悵仙馭之迢迢

分覽一

岱覽卷第十

岱頂下

三

果克山房

夢遽遽而如覺是知仙可遇而不可求道可悟而不可學
孰能達正理越天常而超冥漠也邠爰念岱宗鍾靈厚地
望祭之名始於虞氏歷代因之禮有常祀夫何封禪之名
盛於秦漢諸帝燦珪璧之有光紛壇墀之有制玉檢金書
期存永世豈知時有盛衰運有隆替觀遺迹之荒涼悼流
光之易逝壇墮荒兮綠草積碑碣老兮紫苔翳因登山兮
弔古增余心兮歎歎

宋查道登岱凌空疊嶂絕凡埃青帝高居絳節開捧出海
天紅日近迥將蓬島碧霞來石闔閃爍迎陽洞玉簡光華
封禪臺一自祥符禋祀後太平頂上最崔巍

〔元〕張養浩登泰山風雲一舉到天關快意平生有此觀萬
古齊州煙九點五更滄海日三竿向來井處方知隘今後
巢居亦覺寬笑拍洪厓咏新作滿空笙鶴下高寒

〔郝經〕乙卯秋月十九日登太平頂窮秋老雨四十日坤軸
欲爛陰霾纏我來方作泰山遊玉虹一夜收雲煙山靈奕
奕生喜色突兀撐裂青羅天輕裾飄飄過黃峴乘輿直到
三峯前霜餘灌木出秋色萬壘紅錦幃椒巔泓澄寒澗浸
太古翠壁紅瀉珠璣圓當時秦漢極侈麗未必如此皆天
然天門中斷兩屹立箭筈一磴蛇蜿蜒凌層絕頂肆崇峻
佇立矯首望八埏長天沈沈入西極九州卻在東海邊衝
分覽一

岱覽卷第十

岱頂下

五

果克山房

風慘淡萬里來海窟勁刮鯢鯨涎須臾白雲生嶽麓脚底
泱泱無山川秦壇周觀覺浮動滿地覆冒兜羅縣忽疑山
移入海中白浪四洶虛濤掀山陰瑰詭光怪出赤氣翠暈
相鉤連下從谷底上碧落寶塔萬級高蟠旋遂登日觀叱
日馭六龍倒著珊瑚鞭玉麟剝落金甲坼九芒迸綺生血
鮮三山搖落海水沸蓬壺縹緲來飛仙爲言此色與此界
君自固有非塵緣恍然記悟復無語把手一笑三千年
〔明〕曹大同登岱嶽磴盤空高造天翻從下界見雲煙登封
漢蹕餘風景表記秦碑空歲年絳節香飄龍虎馭元壇寒
切斗牛躔微茫八表浮元氣較似身遊太古前

謝肇淪登岱四首獨立蒼茫黯自愁天邊落木正逢秋片
雲長自依孤闕一氣誰能辨九州馬向吳門搖匹練蜃從
滄海起層樓山河指點東南盡咫尺應同萬里遊 中天
飛閣俯崔嵬吳越諸峯面面開錯落山形皆北拱微茫海
氣自東來秦皇驅石原無字漢代祈靈漫有臺七十二君
多勝事只今泉石照蒼苔 紺殿朱宮敞碧霞樓臺縹緲
玉真家鸞驂夜繞三珠樹羽蓋朝迎七寶車天外金門馴
虎豹雲中絳節動龍蛇朝元歸去瑤池冷落盡冰桃萬樹
花 半空星斗落前楹月色霜華千里平四壁煙嵐寒枕
簾幾家燈火隱山城封中白見秋雲起海底紅看夜日生

分覽一

岱覽卷第十

岱頂下

五

果克山房

自身身如王子晉平峯頂上坐吹笙

王在晉登岱二首上帝高居接大羅百靈呵護日鳴珂籀
文贖有秦人筆古柏猶存漢武柯一自神峯連海嶠卻疑
支石瀉銀河相從欲挂盧敖杖丹竈雲煙冷碧阿 攀蘿
絕磴望三齊洞口雲深去路迷海角日痕千尺線天門曉
刻一聲雞露盤仙掌騫銅柱月窟靈根駕彩霓五色文成
聊展翰峯頭的樂照青藜

平冲紫登岱老年最愛丈人峯倔强來登不拄筇將陟三
千餘仞上徧探七十二家封瀑飛絕巘無非練松拂層雲
宛似龍四顧河山天浩渺擁青疊翠識朝宗

鍾惺登岱頂朝登秦嶽望蓬萊晚帶斜陽興未回一路草
香都是藥千林樹老盡生苔浮雲似水流將去怪石如人
立起來不是此生君國有探奇直上捨身臺
王元坤嶽頂紀游雨歇丹梯轉翠微殘虹明滅亂泉飛池
邊玉女驂鸞過橋畔仙人駕鶴歸上界靈光搖絕壁中原
秋色澹斜暉吳門練影憑誰見滿路天香拂客衣
國朝施閏章岱巔夜雨寒星看掌上暮雨忽尊前積氣無
巖壑秋聲劃海天萬松飛瀑裏三觀亂雲邊恍惚身何在
真從象緯眠

分覽一
劉倓登太山絕頂青天亂插玉芙蓉何處雲迷舊漢封石

岱覽卷第十

岱頂下

三

果克山房

磴人來遙似鳥丹崖松老總如龍還隨潦倒平生意復上
東南若個峯萬里茫茫周一氣吳門欲辨更無從

孫廷銓登岱駘宕天門立岱宗碧霄秋淨洗芙蓉石壇金
節虛難問雷壑霜鐘晚欲從到海山情終讓嶽起封雲氣
自飛龍夕陽礪戶清陰滿誰辨秦官舊五松

張元登泰山岱嶽之山何巒岒千峯萬峯羅當前恒華嵩
霍邗足數峻嶒突兀撐空天我昔望見失登陟自時懊惱
憐緣慳彈指流光二十載於今始得窮追攀仰見南天門
縹緲有無閒雲遮霧擁侵空際頗疑超越惟飛仙何年造
物起靈闕銅崖鐵壁勞鑄剡雷鳴山破劃崩豁纔容一線

通人寰我來躡雲磴雲磴何盤盤前行更逆折橫斷復鉤
連梯空架危三千丈然後飛身直上萬仞之層巔雲茫茫
兮滅沒風浩浩兮高寒躊躇四顧中心茫然我聞古者登
封七十有二代金泥玉檢畱空山又聞少昊玉女列仙班
神房阿閣鎖蒼煙願言尋之愁無緣但見重巒複嶺互鈎
帶蒼然一氣爭迴旋練挂吳門白日湧海波翻鄒嶧若錐
淪培塿黃河如帶蟠蜿蜒自非造化鍾神秀何由五嶽尊
獨專世人見小不見大如蟻緣塊驚巖巒到來絕頂期汗
漫始知浩蕩開心顏逝將結茅屋寄跡臨天關科頭蔭長
松舉手挹飛泉等閑獨立雲霄外笑看日月跳雙丸

分覽一

岱覽卷第十

岱頂下

三

果克山房

張遺登岱汶河如帶繞山根一索爲男氣自尊每以見孫
視鳧繹遙傳伯仲有崑崙澄懷但覺天無際放眼時窺海
一痕漢帝乾坤秦帝雨高臺突兀自黃昏

沈廷芳登泰山歌五嶽巨鎮推岱宗插天萬仞青芙蓉蕩
空層雲浩如海夜半日躍扶桑紅初經迴馬嶺路轉山腹
行虛空旋過水簾洞倒懸雪練噴長風石磴盤盤歷盡十
八曲始覺捫參撫井呼吸上與天關通左招碧霞君右叩
青帝宮羽衣金節飄飄下半空邀我遊戲秦吳兩觀東西
峯其間秦松漢柏雷雨已摧朽焉辨七十二代玉簡金泥
封攫身絕頂高攀雲松摩崖剔古篆剝蝕如爛銅獨有無

字碑屹立寒雲中我欲大書補其闕恐驚山鬼驅虬龍還
尋祖龍避雨地更訪天寶盤遊蹤祈天符命理無據矧以
縱欲希神功粵稽重華事柴望肆觀羣后昭協同周王時
邁陟喬嶽明堂敷對來球共東巡自古有典禮詎尙封山
刻石跨豪雄吾聞泰山之雲膚寸合氤氳倏歛彌蒼穹化
爲霖雨澤萬國神靈酬秩宜三公默贊我后効燮理永禳
早潦銷兵戎和平作頌覲神聽多黍多稌歌年豐

韓錫胙偕周子靜函登岱之作圓穹無停輪往古去不已
誰立空濛外浩浩閱終始恭惟岱岳尊上應青帝紀高礧
河漢流深根地軸底崇寵冠八極柴類延百氏賢聖與神

分覽一

岱覽卷第十

岱頂下

三

果克山房

仙恍惚隨所指夙昔訪石林暴雨卻遊履遙青馬首來十
載空仰止結伴晨雞唱取道嚴關啟合公餽輿夫況復壯

我趾

程蘊山明府送山轎

漢碣直如笏秦松枯未死天梯垂巍巍石

磴疊齒齒攀崖嶰仄行移肩龍掉尾回顧身浮空吾生寧
有幾帝閭豁闔闔絕頂耀丹紫上下俱蒼蒼焉能辨聚米
目力君如何匹練何方是鸞鶴倘可乘蓬瀛近在咫尺人
請信宿曉日蕩天水長歌歸路迷袖中白雲起

彘調元登泰山絕頂二首盤盤磴道鏗欵欵高下亭臺映
石林直上天門與天語側聞龍洞有龍吟泥金事沓籠青
氣觀日峯高照赤心忽聽傳聲動巖壑秋空長嘯快登臨

秋晴日出氣蒸籠

御墨高鑄第一峯碧落天開青帝宅白茅人誤漢皇封傍
巖松憩千年鶴迎輦雲成五色龍當代

聖明超萬古虞周典禮繼前蹤

宋弼登泰山羣山盡迴伏巍然見岱宗蒼茫元氣合積厚
極高穹夙昔懷名嶽願言入仙峯靈祇扈

鸞御輦路懸長虹晨興命杖屐颯颯凌天風俯視信所慄
仰眺彌難窮齊魯昔建國茲焉互其中陰陽分向背作鎮
豈頌封巡守覲方岳明堂廓有容至今懷古客不問秦五
松奇絕御帳崖千仞削芙蓉懸流下素練碧澗相激衝龍

分覽一

岱覽卷第十

岱頂下

壹

果克山房

蛇棲絕壁封禪何王蹤紀載七十二誕夸非所崇躋險氣
愈厲仄足行相從迴出萬松上遂與天門通徂徠已邱垤
何況繹與蒙疊疊赴滄海目力窮天東昔人一登眺六宇
咸焚籠信茲非虛語萬古拓心胸夜宿星辰大宵瞰海日
紅天雞鳴喔喔夢寐方瞳翁羨門將安期明發或可逢逝
乞金丹術葆此塵世躬他時重陟歷濟勝將無同質言紀
遊跡聊以明吾衷千秋李杜在稱詩誰能雄

嚴長明登岱頂酌蠡者不可以測海坐井者不可以觀天
半生學鳩鷄搶在枋榆閒一朝飛上大鵬背始信盧敖鄒
衍非狂言前身禽夏誇輕矯記向蓬元事幽討初由金闕

望吳閩繼轉瑤臺拾仙草風雨驚從足下生方州頓向筇
閒小進步力加猛四顧神飛揚凌虛但一氣正色同蒼蒼
欲知大地形何似九點煙環一杯水遙空更復舉頭看一
圓笠覆雙跳丸右傾西北左闕東南六鼇之足尙堅硬五
色之石猶漏欄因思靈門當日奏奇績原從此度輪廣規
方圓道人引我升元圃禮罷心同一銖黍前有千秋兮後
萬古往不可聞兮來不可覩中間歲月能幾時更沒黃塵
復何補吁嗟乎人與溟滓非同科春風恨少秋霜多舉手
便是北斗柄何因作我金叵羅金叵羅酌桂酒誓與茲山
長不朽拍茅許之吟肩啟張劉之笑口歌成一曲隨東風
分覽一

岱覽卷第十

岱頂下

三

果克山房

天上人間兩回首

明王世貞登泰山記余自戊午己未閒有事於泰山者三
而其稍可紀者第二遊也其初遊爲正月晦自清源謁臺
返與海道宋丈大武偕夜浴於使院三鼓起啟堂之北扉
而望若曳匹練者自山趾上至絕頂又似聚螢數萬斛囊
中光熠燿不定問之乃以茲時士女禮元君燈魚貫而上
者也其頌祝亦隱隱可聽云以黎明入山卽陰晦浮雲出
沒皆際十步外不辨物第覺輿人之後趾高而余前僂而
已卽絕頂亦無所覩見且寒甚宋丈迫欲返還憩鄴都宮
趣觴舉者數而後膚不粟也甚悔之至六月朔偕御史段

君案部泰安段君約以三日登而諸道從者眾度不任輿馬余乃與參議徐君文通請以二日先段君許之至夕而大雨其次日雨止出泰安可二里所卽入山時禾麥甫熟黃綠間錯如繡拂拂作餅餌香樹杪濃陰暈之意甚適而至無掌故可詢者自是皆詰曲逶迤而上峯勢巖巖若相噬而旁多溪澗泉流硯礪間作悲鳴與笳吹相應久之至迴馬嶺乃卻肩輿改從腰笻又四里抵御帳巖一日御仗宋永定陵東封止仗衛處其前爲巨澗澗底白石砥平如玉色而巖陡上廟其嶺頗寬嘉樹蔭之好鳥啾啾可愛又行可三里抵黃峴黃峴者不知其所繇名有松五卽所謂

分覽一

岱覽卷第十

岱頂下

壹

果克山房

五大夫者也以厄於石不能茂而稍具虬虺狀當是二三百餘年物亡何爲百丈崖崖凹深如屋旁有石洞槎口而下黑其究叵測已度石壁峪爲十八盤應劭所謂兩從者扶掖前人指牽後人見前人履底前人見後人頂如畫重累者非此地也耶而今道益飾治且有昇者所謂五六步一休蹠蹠遽頓地不避燥溼前有燥地目視而兩腳不隨且幸免矣自是爲十八盤者三而穿中竇曰天門旣上罡風蓬蓬然吹帽欲墮道士衣羽奉樂而迎出沒雲氣中亦一奇觀也行可里許爲元君祠元君者不知其所由始或曰卽華山玉女也天下之祝釐祈福者趣焉祠宇頗瑰偉

而歲所入香緡以萬計用供縣官匪頒其右爲御史所棲
後一石三尺許刻李斯篆二行一石池縱廣及深俱二尺
許亦曰玉女洗頭盆也自是左折而上里許曰岳帝祠陋
不能勝香火其後峭壁造天左爲開元帝紀泰山銘唐隸
徑可二寸而羸勢若飛動惜其下三尺許爲搨碑者冬月
搨火蝕之遂不全右爲蘇頌東封頌字形頗秀媚尙可辨
而損於閩人林焯忠孝廉節四大字又有顏魯公題名損
於方元煥詩固不若苔土埋翳之尙可洗而有也自是益
北上數百武爲絕頂曰玉皇祠祠之前有石柱方而色黃
理亦細可丈許所謂秦皇無字碑也其石非山所有或曰
分覽一

岱覽卷第十

岱頂下

五

果克山房

中有碑石冒之案李太宰裕記云石埋植土中似方非方
四面廣狹不等細觀之總十二行行各十二字多不可識
今殊不然然李公以爲在開元銘東十數步則非此石明
矣恨曩時不於其地一訪搨便先跡泯泯也復折而東稍
一百步復上百步石室冠之高如玉皇祠中有黎色石蓋
方丈瑩潤可鑒云漢武帝所藏金泥玉檢地也傳云白雲
起封中者是已其前地稍闢卽所稱日觀秦觀越觀諸峯
者蓋五鼓而起觀日出則爲日觀西望而見秦則爲秦觀
南望而見越則爲越觀耳其後人所指某峯某峯皆妄也
時霧氣重不可久憩又亡所覩見如春時怏怏而下適徐

分覽一

岱覽卷第十

岱頂下

毛

果克山房

君至呼酒談詩甚樂三鼓而寢約以五鼓起觀日出然其
寢皆以甘甚醒則高春矣意恍恍不自得強與徐君扶杖
而尋昨所遊時天初霽日益弄色其東南盡目力微白而
晃漾者以爲海耶直北而西隱隱一抹蒼碧若長城之堞
者則意以爲大行恒嶽之類耳至稍遠而淄澠濟泗千流
疊帶近而諸山皆若培塿獨徂徠稍尊居然一衡几瞻眺
久之因與徐君語傳所稱吳門白馬固未敢信卽小天下
豈欺我哉俄而諸山各出白雲一縷若冢中起稍上大如
席凡數百道則狂馳而遇輒合其起無盡其狂馳而遇亦
如之頃刻遂徧成白玉地而仰視則空青瑩然上下異色

呼酒與徐君酌自以爲生平之創目所謂野馬網緼信也
俄而報段君至從行者參政張丈希舉副使李君嵩僉事
王君遜張君師价因置酒於其署移席三皇祠南柏樹下
記云漢武所種千株大者十五六圍今不能十之一而小
疑卽其孫枝也酒小閒散步至舍身崖其缺處可三尺而
下臨杳藹數千仞張丈足縮不敢前而王君席閒慷慨談
兵事乃亦縮弗前張丈顧而曰君扼腕而談兵毋敢抗者
乃亦弗前耶余笑曰此自兵法諸君弗察耳夫無進生而
有退生此王君所以弗前也王君亦大笑乃別段君約以
次日緣尋山諸勝乃下五鼓復大雨雨連日夕不休余始

分覽一

岱覽卷第十

岱頂下

三

果克山房

與徐君同舍而張丈王君舍圯漏乃移就余而舍中水亦將二尺因布長几置枕簟其上小吏裸而行酒炙所劇談六合內外張丈又時時以雅謔雜之凡四日雨始小息夜臥倦甚王君苦吟若寒蟬又時時提余耳告以所得句余不勝踴強起顧視天碧淨如浣而大星百餘巨於杯歷歷簷角殆可仰而摘也質明復大雨州供業已盡乃行辭段君與諸君偕發時寒甚衣絹素至五重不解亦有乞道土木綿裘者下天門雨止日出每十八盤竟輒去一衣至御障巖衣去且盡時巖旁飛瀑爭下凡二十餘丈濤翻雪潰若鬪龍吐蟄玉鱗四飛珠沫羣唾余興發不可遏跣立盤

石流泉中呼酒數大白輒酌長歌振林樾諸君皆壯之有和者有就取飲者移時而報段君至相與之鄩都宮爲小宴別其明年之四月朔以行部道出萊蕪會家大人有邊事事甫定乃乞靈於太嶽以閒登焉將五鼓杖策日觀峯頃之東方色微辨而顧余及從者衣洞赤已覩石室及諸碑碣盡赤乃見一線赤從東黯霽中起顧山之背則猶昏然雞蓋三啜也又頃之日輪徐上雲君霓師金支翠旂彷彿扈從於是諸峯城郭盡現而山之觀與世同矣余三登而始畢其勝然目境耳其峯之爲回鴈爲雞籠爲蓮花爲明月爲丈人爲獨秀爲東西神霄崖之爲百丈爲馬棚爲

鵜鴿峪之爲石經爲桃花爲馬蹄石之爲牛心爲龍口爲
試劍爲龍紋虎阜洞之爲呂公爲白雲爲遙觀泉之爲白
鶴爲水簾爲白龍諸用怪偉稱者固未及一二探也夫以
封禪告成之主凡七十二而結繩者半之天地之人文鬱
而後世之博識者不能舉其畧辭之不可以已也如此哉
去余茲役十有七年矣而所經賭若夙夕會至自太和有
所撰述因併記之

岱覽卷第十終

分覽一

岱覽卷第十

岱頂下

堯

果克山房

前卷... 岱頂下... 堯... 果克山房... 岱覽卷第十... 分覽一... 鵜鴿峪之爲石經爲桃花爲馬蹄石之爲牛心爲龍口爲... 試劍爲龍紋虎阜洞之爲呂公爲白雲爲遙觀泉之爲白... 鶴爲水簾爲白龍諸用怪偉稱者固未及一二探也夫以... 封禪告成之主凡七十二而結繩者半之天地之人文鬱... 而後世之博識者不能舉其畧辭之不可以已也如此哉... 去余茲役十有七年矣而所經賭若夙夕會至自太和有... 所撰述因併記之

岱覽卷第十一

泰山書院院長陶山唐仲冕六幕輯

分覽二卷十一之卷十三

岱陽圖

岱陽上石壁峪 大龍口 大龍峪 對松山 朝陽

洞 攔住山 小天門 御帳坪 小龍峪 快活三


黃現嶺 回馬嶺 歇馬崖 水簾洞 經石峪

龍泉峯 桃源峪 小洞天 紅門 一天門 岱陽

中王母池 白鶴泉 金山 岱宗坊 岱陽下 岱嶽

鎮 宋封祀壇址 唐封祀壇址 總論

分覽二 一 岱覽卷第十一 圖 一 果克山房



岱陽

不覽
二覽


分覽二

岱陽上

岱覽卷第十一圖

二

果克山房



岱以西南爲襟而登岱者道出其南故先詳岱陽焉自南天
 門而下其南爲石壁峪兩峯插天攬削壁立東曰飛龍巖西
 曰翔鳳嶺中通一線石磴鱗次爲十八盤遠望如梯懸倚山
 罅漢宮儀記云羊腸逶迤名曰環道往往有絢索可得而登
 今盤皆密級每磴高及腓而僅容足之半凡數十若百餘磴
 始得平地數武仰眎天光凝碧罡風蓬蓬襲人其下巖谷千
 尋游目輒惴栗如縋一髮旁綴鐵鎖爲欄不可扳引應劭所
 云摩胸捫石捫天之難今猶昔也

皇上御製詩三章勒飛龍巖其下束峽處有昇仙坊

巖壁題勒文曰首出萬山脫鑄真書至此愈奇馬一龍

天門長嘯失名二竝行書天地交泰何有炳真書

明初承燧十八盤拔地五千丈冲霄十八盤徑從窮處見
天向隙中觀重累行如畫孤懸峻若竿生平饒勝具此日
骨猶寒

何鑑登天門小龍口大龍口萬丈懸崖如壁陡世人只道
天門不可登那知雲路分明有

國朝釋元玉石壁峪層巖對峙夾蒼煙絕處金繩象外懸
到此已觀雲是地凌空肯藉管窺天香侵衫袖松風滿霧
擁籃輿瀑雨連是險是夷人共歷復誰幽興勝前賢

分覽二

岱覽卷第十一

岱陽上

三

果克山房

徐恕昇仙坊絕似登山兩腳僧千層萬級走峻嶒已知仙
路原非遠不信天階亦可升嶺外黑風驚伏虎雲中白霧
起飛鵬懸崖未敢辭辛苦一宿丹寮一盞燈

飛龍巖稍東爲大龍口聞見錄所謂大石有罅如龍哆其口
水自口出也有泉滂然歎雲飲霧其南爲雁翎峯峭銳如翎
蓮花峯下趾也峯東南爲新盤口明藩參呂坤叔簡因進香
人衆舊盤難容闢火池以西爲新石盤合登頂者上從東而
下從西以免擠踏有度天橋今竝圯紀勝云東上入新盤俯
視羣山錯疊如綺歷雁刀五老諸峯上臻于崖度天橋皆幽
折可盤薄嘗謂舊盤似直臣新盤似韻士一則磊落光大巖

峻不可屈撓是冠裳入朝氣象一則絲邈蕭疎蘊藉風流隱
逸君子之所珍也盤盡仰望宮殿嗟哦不知人閒天上

元王暉大龍口峯巒重疊水潺湲石磴縈回不易攀獨倚
長空頻縱目始知身在白雲閒

翔鳳嶺南巖爲雞冠峯片石懸峙若絳憤然東南爲大龍峪
承石壁峪之下衆水歸峽飛泉若瀉南經飛瀑巖小龍峪西
注黃西河舊有龍王廟上有金母殿陟峪西有坊舊額峪名
今日龍門近游草云下天門同人不知大龍峪處至第二十
八盤下盤東石崖萬仞渾如鐵甕近澗底橫裂一線長止尺
津津外潤旱不竭雨不溢予指之曰此龍口涎也南迤西爲
分覽二

岱覽卷第十一

岱陽上

四

果克山房

對松山

峪上題勒

文曰上天梯

李建功真書

明張位大龍峪浮雲萬里結秋陰飛瀑千尋度遠林每怪

登臨風雨驟芙蓉匣裏作龍吟

對松山亦曰萬松山兩峯翼徑敷巖被壑無雜樹唯虬髯龍
甲對舞交吟於風濤雲海之中不知其幾千萬重也記傳山
頂柏樹漢武所種千株大數十圍今則童矣獨此蒼崖翠粒
增喬嶽之奇秀南天門外第一佳勝也松在棧齧求高名之
麗者不及焉故望若拱把近睇之皆可合抱符子云登乎泰
山下臨千仞之淵上蔭百仞之松蕭蕭然神王乎一邱矣紀

勝云冒雨行對松山雲填澗谷皆平眼前斜飛若輕縠積棉
推挽可動仰視兩山黑雲壓頂上與松樹融結神合無間忽
悟松樹乃雲苗所種感泉石之氣而生也風動微露鬢鬣若
怪龍藏雲霧中瞰人欲搏左有聖水橋東崖勒

皇上御製詩二首稍北舊有大悲殿

皇上額曰蓮界慈航西有乾坤樓明洪朝選建圮近改新盤
於橋西高阜上或謂之雲門山前跨道有坊額對松山南下
四里為朝陽洞

山巖題勒文曰千葉石蓮 宋炳奎

至此又奇 馬一龍

風濤雲壑

伊介夫

月明松翠 趙綸

盪曾生層雲 李樹

分覽二

岱覽卷第十一

岱陽上

五 果克山房

德

蒼松翠靄

松風泉韻

振衣千仞

石面迸出水

松頭穿破雲

四竝失名已上俱行書

國朝朱渾珏對松山數里聞松濤兩崖屹相向春雲護藥

苗靈禽棲其上

喻成龍萬松山歌鬱葱葱青濛濛千株萬株插芙蓉芙蓉
直上九千仞披襟長嘯吹天風晴光蕩漾搖碧空仙姿肯
傍塵埃中以此可愛不可近鬱鬱恥受秦皇封屈鐵參天
浮黛色倒影下映龍池黑發秀鍾靈自有神孤高得氣本
正直虬幹霜皮宛然在鶴來鶴去知何代幽意豈獨擅容
谷蒼翠猶能化龔噴昨夜繩牀冷如鐵空濤萬壑流雲結

起視冰翼燭天白口吃新詩吟不得回首遙憶青琅玕我
心明月含清光懷人稠疊復落莫身凝江海思茫茫他年
終覲結茅宇銜杯箕踞歌梁父泉石以爲友苓實可充脯
對之能使心神清食之又令顏色古胡不任達永棲託卻
向寰中歎辛苦

田同之對松山寒松韻空山千株萬株寄對峙綠雲停搖
曳蚪鱗墜飛泉下峯頂遙光破蒼翠

戒城對松山鬱鬱巖間松終古不盈丈其旁無叢木其下
無片壤枝撐翠壁幽勢逼青冥上稍成虬龍形忽作笙簧
響輿人怯攀躋至此首頻仰顧盼誰能窮雙崖互爭長秀
分覽二

岱覽卷第十一

岱陽上

六

果克山房

氣沾我衣仙鏡落我掌恍從倥傯遊飄然動遐想

朝陽洞竒窳如廈而南闢舊名迎陽亦曰雲陽明朱衡更今
名泰山小史云深如巨屋可容二十人旁樹扶疎近塑元君
像於內紀勝云洞中澄泉甘冽砌上滴露如懸珠道士以器
承之命曰石乳西偏石屏硯礪有奇致萬歷己未米待詔萬
鍾勒篆雲根絕佳今毀東北爲御風巖勒

皇上御製朝陽洞詩字徑三尺因名萬丈碑又

御製詩二首勒洞東石壁洞北舊有處士松以秦封五大夫
者在其下故署處士別異之明鍾宇淳云此翁蒼顏素髮傲
睨冰雪崖石閒無論不辱秦卽處士於翁何有亮哉乃方元

同題曰獨立大夫劉宗岱云余自嘉靖己酉始登泰山見秦所封五大夫松聳而立又北里許一松偃蹇如蓋曰處士松隆慶戊辰再登泰山五大夫已亡其三而處士松依然無恙不知誰氏改處士爲獨立大夫疑若曾受秦封者嗚呼五大夫之存亡不足惜余獨惜夫處士何不幸而多斯名也噫泰山小史云萬歷三十一年一夕風雨失其樹惟碣存焉洞南爲元君殿

皇上額曰靈府慈光又西爲駐蹕亭

御題勝覽方輿迤東爲凌虛閣陟別構望松亭尋亦圯朝陽洞坊在其西南又西南爲攔住山又南爲小天門

岱覽卷第十一

岱陽上

七

果克山房

明塗澤民題刻文曰松不在五大夫中乃其虬屈蒼勁有君子中立不倚之操書此以表孤節嘉靖歲在壬戌廣漢任齋塗澤民題翟濤立石。右真書勒處士松側後方元同改題獨立大夫四字

牟志夔等題名文曰明萬歷乙卯齋使安溪牟志夔憲副

吳文顯同遊。右隸書勒朝陽洞西崖南向

處士松側題勒文曰松雲絕壑下三畏 仙閣靈府 聳

壑昂霄失名俱真書

朝陽洞側題勒文曰樂葵失名 維天東柱法敏竝真書

明王在晉朝陽洞雲根鑿一竅石罅通萬靈白雲任去來

洞門常不扃

〔祁承燦〕處士松處自稱遠志出則爲小草青青澗上松肯被浮名擾

攔住山橫抵朝陽洞下爲盤道一重一掩其上弄月巖有半山亭故址泰山小史云山腰橫聳一巒似懸似繫構亭其上顏曰半山左有大夫松淩淩風表右則蒼石若削壁立千仞每登臨則耳畔風生梵音鐘韻交從天下蓋稍上爲古蘭若汶水襟其前明滅練光大豁塵眼又云亭下有李斯小篆人爭摩挲今不可攷矣下爲潛龍澗水西南流入黃西河

〔明〕米萬鍾憩半山亭遙轉關煙關高亭得半山不須凌巘

分覽二

岱覽卷第十一 岱陽上

八

果克山房

外已自出人閒青靄相上下白雲時往還岱巔憑側望憩此復躋攀

小天門故誠意門明王衡記云上天門羣峭截僻昇相附高相摩四周無所不際而左壑磈礪受水蕩皆作雲母綠玉色山面缺決漑當其前令人叫絕今坊額五大夫松五大夫松秦始皇之所從蔽風雨也史紀秦始皇本紀上泰山立石封祠祀下風雨暴至休於樹下因封其樹爲五大夫漢書始皇之上泰山中阪遇暴風雨休於大樹下諸儒旣黜不得與封禪聞始皇遇風雨則譏之皆云樹不云松也獨異志秦始皇二十八年登泰山至半忽大風雷雨電路旁有松蔭翳數

畝乃封爲五大夫聞松上有人言曰無道德無仁無禮而得天下妄受帝命何以封左右咸聞始皇不樂而歸初學記引漢官儀及泰山記云小天門有秦時五大夫松現在蓋漢人實見其松也泰山紀事云松舊有二株蒼秀參天四圍碧石欄根無土蟠於石上萬歷三十年泰山起蛟遂失所在以爲化龍去泰山小史云舊傳松有五今止遺一株拳曲蒼古有老龍欲飛之勢范宗吳勒石表之攷五大夫秦第九爵昔人辨之詳矣然唐陸贄已有不羨五株封之句則傳訛已久今補植者不知凡幾輩率以五云坊側飛來石泰山小史云五松御帳之間片石坦焉而瀑布倒瀉若河萬歷癸卯一夕風雨有石如丸大可數屋飛墮於此泰山原無此石其五丁挾而置之耶有柯紹皋題識西崖勒

皇上御製飛來石詩岱史云誠意門西爲公署東爲五松亭又名憩客亭明人重建題御帳遺蹟今俱亡其東有石如人拱立曰望駕石五松北故明單仙亭趾亭名猶篆崖上兩崖夾徑勒

御製五大夫松詩其東爲老人砦虬松附石攪拏舞雲望之如廉將軍馬伏波披甲據鞍時下有朗然子洞元初劉道士朗然修真於此故名洞容可二十人下爲三叉溝會雙溝而西南流小天門南爲御帳坪

分覽二

岱覽卷第十一

岱陽上

九

果克山房

明王聞修五大夫松若箇庭中言鹿馬何人境上識魚書
當時不負君王意只有山頭五大夫

陳萬言小天門值雨武帝登封舊有臺靈湫時見白龍迴
天風倒捲簾泉水猶有游人冒雨來

吳節五大夫松曾與秦皇托舊恩昂霄聳壑露盤根可憐
二世空塵土不及寒松有子孫

姚奎五松歌一首黑龍潭中蛇母出霜鱗剝落腥雲溼
參長髯十兩針挺挺直骨三千尺神靈呵護元氣鍾驅霆
戰雨搖蒼空堅剛節操振今古濫爵肯受秦王封波濤滿
地陰風起萬籟颼颼成律呂材堪柱國苦弗試蕭然遺棄

分覽二

岱覽卷第十一

岱陽上

十

果克山房

空山裏青青顏色無秋冬吞冰吐雪經磨礮工師一日如
相逢終當獻入蓬萊宮 蒙恬大將扶蘇子萬里策勳封
不與卻將官爵授五松祖龍顛倒乃如此咸陽一火二世
亡五松畱得摩穹蒼真宗六龍昔巡幸亦名御帳揚休光
猗歎松兮遇知己傷哉處世多奇士負才抗節竟沈淪不
及寒松反多矣我來幾度坐清影綠陰滿地蒼煙冷撫摩
長顧發哀歌空山落日愁奈何

鄒德溥五大夫松爾本抱勁節秦官何及之乘風發長嘯
如羨商山芝

蕭協中飛來石松亭亭石矻矻偃蓋萬古青堅確千年歷

故乘風雨夜飛來不是秦皇鞭策激

宋許觀東齊紀事秦始皇下泰山風雨暴至休大樹下因封其樹爲五大夫初不言其爲何樹也後漢應劭作漢官儀始言爲松蓋松在泰山小天門至劭時猶存故知其爲松也五大夫蓋秦爵第九級如曹參賜爵七大夫遷爲五大夫是也後人不解遂爲松之封大夫者五唐人松詩有不羨五株封之句蓋循習不攷之過也紹興上虞縣有邨市曰五夫故老云有焦氏墓於此後五子皆位至大夫因而得名近世好事者或異其說曰此秦封松爲五大夫之地也紹興閒王十朋爲郡幕官采訪所聞作會稽風俗賦

分覽二

岱覽卷第十一 岱陽上

土

果克山房

得此遂以爲然故賦有松挺千丈爵封五夫之句疏於下云上虞有地名五夫始皇封松爲五大夫處蓋越人但知始皇嘗上會稽刻石頌德不知封松乃在泰山時非在會稽時也

國朝孔貞瑄泰山紀勝始皇東巡五大夫以捍衛受封不知後祖龍幾年而沒或者非甘棠遺愛土人不復擁護之幸後王寬仁不奪其爵迄今十八公猶襲名號未詳是其苗裔否其別族有獨立大夫亦就衰朽矣

趙國麟記一則檢弇州遊記讀之所謂有松五具虬虺狀當是二三百餘年物今惟枯幹一株屹立石上又檢臥遊

道人岱宗圖說云嶂前雙松老榦拳曲勢欲飛舞道人圖
說出萬歷之季去弇州時不數十年已失其三何況今日
惟是記中所云百丈崖凹深如屋旁有石洞槎口而下黑
其究叵測今洞外有屋而無崖下亦砥平如出地上此則
人爲之斲天巧非若植物之出於氣數也

御帳坪在五大夫松稍東石夷衍可張數幄有柱礎蹟爲宋
永定陵登封帳宿行在所李裕所謂嘉木榱榱繁陰布地前
卽深澗黛蓄膏渟水光映天巉石錯襟如斷齶也坪南懸崖
飛瀑銀濤雪浪上應松風過之輒有汗漫九垓之想午夜煙
水月色相衝激波光迸落聲叶竿籟恍如汎查銀漢聞仙樂
分覽二

岱覽卷第十一

岱陽上

五

果克山房

也古稱百丈崖今日飛瀑巖曰護駕泉亦曰銀河

仁廟御製百丈崖觀瀑詩蓋曾邀

睿賞矣瀑右爲三磴崖其下爲雪花橋瀑所經橋名以瀑狀
蒙登岱數矣嘗自謂沈洿塵渫不宜輒詣神靈之府幸於此
倚雁齒聽飛濤蕩滌耳目澡雪胷胃使其渣滓銷融豁然與
造物者游而後可以躡天門謁玉闕而上青冥此殆山靈換
骨洗心丹也其南爲小龍峪

金張憫施砌題識文曰憫伏見此御帳之下回轉窳隘登
陟艱難同妻劉氏辨心命工壘砌庶得易爲上下者天眷
元年八月十五日寄居泰安軍新街張憫謹施砌。右真

書勒御帳巖西今泐

明禱雨靈應歌刻。右歌參政東浙徐用檢撰竝真書萬

歷戊子六月為督漕查壁星頌勒三磴崖石上東北向

飛瀑巖題勒文曰御帳巖 呼吸帝座 直與天齊 三竝

失名 雲衢周祚 銀河落九天 王安舜 太古清音 準

泰 月色泉聲 方攸績 洗心 李口已上皆真書 快活天

泉響雲飛 二竝失名 絕巘飛流 吳同春 至此始奇

馬一龍已上皆行書

明陳鳳梧百丈崖百丈崖高鎖翠煙半空垂下玉龍涎天

晴六月長飛雨風靜三更自奏弦蒼水佩懸雲片片珠簾

分覽二

岱覽卷第十一

岱陽上

三

果克山房

洞織月娟娟晚山倒著肩輿下迴首斜陽景更妍

查約御帳坪宋皇臨御日此地足遊觀花下停雙輦松閒

拜百官雲常依寶座月自照瑤壇寂寞仙橋路惟餘古木

寒

吳節御帳坪幾度天書降紫清宋皇曾此駐龍旌野花啼

鳥年年換猶有人傳御帳坪

邊貢御帳坪白日天門近青雲御帳空亭虛從眺覽樹古

自登封過鳥層霄上鳴泉萬壑中翠華春不返惆悵昔人

踪

蕭協中御帳崖片石雲中出蒼崖俯大觀旌旗餘草綠帳

幄染楓丹鶴唳山風冷湍流夜月寒只今憑弔問松影露溥溥

國朝施閨章五松下看流泉我尋古松樹愛此巖下泉橫瀉珠簾靜斜飛瀑布懸積寒生石髮落日動山煙輦道餘荒草長悲封禪年

趙國麟御帳坪絕壁臨大壑飛流千尺下松濤與水濤喧寂不相假石色漾月影寒飈滌炎夏坐久風雨來松花任飄灑

小龍峪在攔住山東南石峽飛流東崖兩石呀張清泉淳涵曰小龍口石泰山小史云峪爲泉水所歸而飛泉噴瀉若自

分覽二 代覽卷第十一 岱陽上 古 果克山房

龍口出者其前有小龍峪坊圯南爲迴龍橋又南跨虹橋龍文石在其北石理蠖畧麤綏一曰蛟龍石其西舊有迎天坊圯有增福廟爲元君殿

兩崖題勒文曰人閒天上 稽贊 龍躍雲津 陸濤 造化 鍾神秀 趙之均 疎松隔水奏笙簧 若登天然 二並失 名已上皆真書

跨虹橋南爲快活三路凡三里差不磊礪爲登者快也或刻快活山於巖明吳同春曰此平處三里其北又復嶮崎呼三爲是旁有玉液泉石穴迸水可掬其南爲倒三盤明王衡記云由回馬至黃現輿人前距高而余僂就之苦踣蹕甚至此

頗寬坦而樹與壑更奇余始得納手於袖掉頭吟嘯而有之
眞一快事紀勝云北陟雙廟西眺扇子崖如相拱揖倒盤而
下路皆平闊野花與草樹襍發點綴茅舍竹籬閒絕似平楚
邨落無復巖巖氣象譬如接巖賓之後忽遇好友坦懷笑語
遙望對松山另開一幅圖畫矣倒三盤南上爲二虎廟神祠
黑虎旁有虎伏石蹲踞類虎其南有坊頰二天門則登岱之
半也泰山小史云凌雲穿洞上有玉皇閣俯仰上下景隨步
轉竟與人世兩界也而雲橫煙鎖山危水瀉之狀至此領畧
大半又南爲黃現

國朝陶山居士詩刻文曰左縈環水分黃現前引松陰入
分覽二

岱覽卷第十一

岱陽上

五

果克山房

翠微從此雲衢堪快步跨虹橋畔彩霞飛。癸卯小春題
二天門陶山居士。右八分書勒倒三盤東崖

明袁天泗二天門再上天門望煙雲滿素衣陡崖三面削
峭壁一泉飛排戟峯逾蹙通天路轉微涼風吹傲骨五月
凜寒威

蕭協中二天門危梯百磴入旻蒼宮闕崔巍俯大荒雲鎖
洞門飄細細煙生壁水起茫茫山情似欲呈人媚客袂偏
宜襲草香展轉縱觀忘世慮不知杖屐到何方

李學詩快活三人情輕便易世路重艱難不走巉巖路誰
知快活三

國朝劉倓至快活三里坐樹下回望西峯西峯迤邐鬱藍
開空翠沈沈撲面來若遇虎頭應畫我看山人傍一株槐
釋元玉快活三嶺嶺徑崔嵬峯峯路崒嶮極勢欲旋坦
道從危得從危得坦道其意復如何仍向層霄步雲中乃
笑歌

黃現嶺土黃嶺異它山泰山小史云眾山聳立危磴之險甚
於他處土色亦他處所無過此則徑平坦樹木森列縱觀諸
山如在洞中一名中谿山泰山圖志云山迤東谷水涌流爲
中谿發源南流經迴馬嶺西會水簾洞石經峪諸水至王母
池爲梳洗河東南遶郡城又南經封祀壇東伏流出木頭溝
分覽二

岱覽卷第十一

岱陽上

六

果克山房

入泮歸汶舊有黃峴嶺坊圯案黃峴見文獻通攷宋真宗登
封自太平頂天門黃現岱嶽觀皆以長竿揭籠燈明人始稱
黃峴攷謝靈運嶺溪行迢遞陟陁峴注嶺小高也韻會云峴
本作現一統志有南現在沐州集韻云山小而險一曰嶺上
平也今仍宋名南下爲十二蓮盤步天橋在其西南東折爲
三大士殿金星亭又南爲迴馬嶺

明蕭協中黃現嶺戟劍鋒攢山亂頭層層丹磴挾雲浮翠
林轉入平如砥一曲鳴禽韻更幽

迴馬嶺一曰瑞仙巖重巒疊嶂舊名石關漢官儀記所謂天
關也唐樂環記云各攜茶果徂候于迴馬嶺蓋登者至此不

得不解鐵纒而扶青猿矣明李裕記云白山麓抵迴馬嶺十餘里羣峯對峙巖辭崢嶸勢相噬齧中央溪流轉騰激洌觸崖石激堆埼其聲澎湃濶濶泫泫縈迂數里又有巨石大者如輪小者如甕礮硯礮礮偃臥路逕難以數計策馬單行崎嶇至嶺下是嶺岌嶮陡絕車騎不可前馳少憩石上飲茗易肩輿穿深林躡大石而行

皇上御製詩三首東西勒崖迤西爲九峯山折而東爲十峯嶺峯巒重沓不可枚數望若夏雲之多奇也泰山志稱古雲巖下爲鷹石溝旁一石狀鷹立鞞水南流至石經峪紀勝云山迴路轉屐齒甫通突而重山橫互轉仄向東南梯雲御風

分覽二

岱覽卷第十一

岱陽上

七

果克山房

而上蓋山腹中脈絡盤紆至此又一大折云嶺陽爲玉皇殿御額紫垣凝命其前元君殿

御額瓊霄珠照南有閣跨道矗立明嘉靖昇仙閣故趾乾隆丁卯拓建

御題壺天閣又

御製詩三首勒東北崖閣西偏爲倚山亭南有聖水泉又南爲歇馬崖

明邊貢迴馬嶺迴馬嶺前春日西澗花巖草鬱萋萋上方鐘落不知處惟見白雲巖畔棲

國朝趙國麟玉皇廟劫後新亭倚半山松杉猶自護雲關

當年幾度休遊屐曾擁笙歌聽小蠻

明謝肇淛記一則入山漸深但覺白雲黃葉左右飛積至高老橋水洿且涸卽水簾洞亦涸涸如蹄涔無奇也由水簾洞折而東又折而北道始峻削難行吾游山多矣雖絕地插天亦必迤邐紆迴而上或輿或步咸得袖手騁目獨泰山不然其坦不能十武輒就石磴磴皆懸空斗削高者百餘級小以十數輿中五管在上胷膝相摩手挽足抵頭岑岑也加以狹崖夾障耳目塗塞如道委衙中意甚苦之至玉皇閣下輿迴望始見徂徠一峯獨當南面扼塞汶水縈若衣帶爲注目移時又上爲迴馬嶺顧從者自高老橋

分覽二

岱覽卷第十一 岱陽上

六

果克山房

時騎已不前

歇馬崖故名馬棚崖言崖可屋馬也亦曰三字崖言呂仙墨書三畫風雨不滅也今崖傾岸落非其舊矣明吳維嶽勒歇馬崖三字厪存南下迤西爲登仙橋水簾洞

明陸濤題識文曰賢母智頂眞仙生天石幢己亥清明日平湖陸濤字壽□同弟□肩陸□奉先□□人像進香感□□勒石。右刻作兩層上層橫書賢母下十字下層字差小則己亥以下題識也竝眞書勒崖北石上西向

明蕭協中馬棚崖禮嶽登山路幾盤穹然棚石倚雲攢不堪俊驥藏虛壁自有蒼霓掛碧湍鐵筆勒崖仙跡異墨痕

翻袖聞風寒只今攬勝神遊遠嶺霧橫披態未闌

國朝趙國麟歌馬崖一湖空中落雙崖勢欲連巨靈不惜
力勒石使之縣何年倦遊者盤礴一周旋塔焉天地小長
歌起暮煙

水簾洞有坊在登仙橋南其水自西北天紳巖際檻泉撼沸
蔽崖壁千仞而下絕壑如銀蒜方垂湘紋未捲曰水簾泉洞
口藏簾中水網時隱約可見鍾惺銘其側曰晴雨所覆白雲
之上冬愛其原厥流斯養石穹其中俟時而響岱實爲之勸
登宏獎水東南注中溪距巖里許石梁跨澗爲住水流橋洞
東舊有巖巖亭明成化時參政張盛自飛虬嶺移建於此今
分覽二

岱覽卷第十一

岱陽上

九

果克山房

廢折而東爲砲高嶺有漱玉橋圯其東爲經石峪

宋劉仲平題名文曰元祐六年劉仲平遊岱嶽觀主張舜
民同來二月七日。右真書勒水簾洞側

金巖巖亭碑畧曰夫觀遊大率有二或嗜之以快佚樂之
心或托之以寓超邁之意快心者未免損於人人避損則
憚隨之寓意者必將益於民民望益則欣奉之賢不賢之
分損益而已也泰山巖巖魯邦所簷卽山之陽距軍城三
里有觀曰岱嶽觀之東淩危跨險百步而近有亭曰巖巖
舊矣正隆之季盜賊蠶起附近者剽取材具厥亭毀焉大
定十有九禳岱祠告災明天子恤神無居亟爲興復疇咨

可屬者廟堂僉以徐公爲能上俞所舉俾之就守是邦公
下車後政通人和越明年廟功鳩倂規榭宏麗倍百於昔
其餘廢者具興仆者畢振或有一遺朝夕思念慄如也因
訪所謂巖巖亭故迹委知觀道士田信言新之於是傭夫
召匠指畫經構伐惡木薙奧草基甃柱礎壁石簷雲畢能
事於淡旬間虛深亢爽不戶不牖豁然上視泰山尊嚴廣
固垂藍散黛於莽蒼之間左右諸山峯巒繚繞不召而俱
至卻立延望則幽蹊曲徑樵擔僧錫去住斷續歷可指數
至於數百里之景髣髴溟濛杳靄外舉目盡得西溪之泉
噴霜啜雪泠泠鏘環佩聲其清涼淋漓溼雖三伏際不知

分覽二

岱覽卷第十一 岱陽上

子

果克山房

蘊隆蟲蟲者爲炎酷也凡客游觀於天下者有不屈伏退
讓以推高是亭乎適以重五日公率僚吏落之建榮獲預
末坐因語道士曰今之境界向之境界也而景物異矣山
葩野卉紅妝紫潤奇石森然爭出而効技乃前日蒼煙白
露之荆棘也高叢巨桷翬飛縈映雲容日景浮光而上下
乃前日頽垣壞址之荒墟也佳辰令節州人士女嘯歌絃
管乃前日風雨晦冥龜鳥之乖音也今其美哉大爲君子
之壯觀偶然耶抑有時耶不然何其一廢二十年而不早
謀振起之乎。右記姚建榮撰見泰山志今與亭俱佚

明遊泰山記碑。右成化年尙綱謨勒巖巖亭嘉靖九年

崇陵子題其旁曰方豪由泰山絕頂迴觀尙少參遊記山川如故英烈何存快哉傷哉後十五年方子之友見之則又如方子之悲尙子也今亭廢碑竝佚

重修碧霞靈應宮碑○右碑大學士東海徐溥撰文吏部尙書致仕濟南尹旻眞書竝篆額宏治十年十月勒水簾洞左今佚

洞石題勒文曰入山深處王之良眞書

鍾惺題名文見前○眞書勒水簾洞側

明李時勉巖巖亭送陳參政歸山岱宗磅礴不可擬翠色橫秋幾千里峭石巉巖倚天外孤亭屹立當山趾亭前芳

分覽二

岱覽卷第十一

岱陽上

三

果克山房

草沒路岐古砌荒涼苔蘚滋幽花拂檻無人採獨鳥時鳴聽者稀晨霞浴日千峯紫一杯遙見滄溟水升元觀裏曉鐘聞岱嶽祠前白雲起聖賢大道誰不由乾坤闔闢同周流泰山氣象難爲喻誰遣名亭獨此畱君去薇垣有閒日隨處登臨訪遺跡想得憑闌一望餘懷古清吟興何極

〔王元坤〕水簾洞百丈雙崖分巨壑泉引天紳向空落洞門長日耀珠花披拂靈風護煙幕沈沈玉竦挂飛流洞古簾垂映月鉤鹿飲澗邊秋草溼鶴鳴簾外水雲浮水淨山空深洞杳影共銀河墮林杪忽驚洞裏玉妃還波紋不捲東峯曉

蕭協中水簾洞尋真欲問碧雲宮竹杖芒鞋好御風洞裏
有仙疑睡穩故將珠水挂簾櫳

國朝趙國麟水簾洞銀河西瀉散珠房東澗鐫經滿石梁
遙憶匡廬千尺瀑何人爲築讀書堂

經石峪宋時稱石經谷石經者鐫隸體金剛經於石坡字大
如斗隨石所之經盡而止石仰負天頂踵於泉泉枕履之便
其腹以受經明人呼爲經臺峪紀勝云澗東有乳山倒垂銳
若茁筍左峯肱抱中石陂斜平如掌方數畝許徧鐫梵經相
傳爲曬經石上有小瀑布橫闊若短簾浸蝕經字半剝落矣
案石經舊傳右軍書道里記云北齊武平時梁父令王子椿
分覽二

岱覽卷第十一

岱陽上

三

果克山房

好內典嘗於徂來山刻石經二俱隸書字法古勁與此如出
一手是經當亦子椿書明人或刻大學聖經於上端康熙閒
猶有存者今佚峪西石壁劃然中分曰仙峽石亦曰試劍石
倚巖白石亭明萬恭建顏以高山流水亭北有聽泉枕石西
上爲聽雨軒趾明鍾字淳云西巖古梅數株疎影橫斜今特
雜樹野卉羅羅清疎而已峪水來龍泉峯後上接三叉溝繞
峯而出西南注中谿吳同春記云窮泉之源北行里許石滑
不任足而泉自亂石中泠泠出巨細相閒時作笙簧音林木
深茂鳥雀喧呼令人會心龍泉峯一名栲栳崗在峪東

北齊金剛經石刻。右八分書在石坪上縱橫數十畝作

碁局紋字大方尺許波磔古宕氣體雄奇浸淫乎漢氏矣
明華亭孫克宏古今石刻碑帖目云泰岳之陽刻金剛經
大尺許相傳爲王右軍書今攷其筆法實與鄒縣北齊韋
子深刻經同出一手其亦爲韋氏作無疑明王世懋紀遊
云此書不能定唐宋元人筆耳然觀陳國瑞題名則北宋
人已歎贊爲神蓋其結構氣味必非宋元人所能到孫克
宏以爲韋子深聶欽以爲王子椿雖皆比擬之詞聶說近
之唯石面爲泉所瀉漸靡之久剝蝕殊多今存字不滿二
百過此以往未之或知也

宋陳國瑞題名文曰莆陽陳國瑞子玉校學奉高遊石經

分覽二

岱覽卷第十一

岱陽上

三

果克山房

谷熟視筆畫字徑尺餘非人所能歷千百年曾不磨滅豈
非神力護持以遺觀者政和丁酉春餘一日題承議郎知
縣事鄭溫恭勒石。右真書勒石經峪今漫滅

明般頌詩跋刻文曰泰山之麓平石從衡數十丈刻佛家
語呼爲經石余爲書詩般一章刻之案虞書舜典歲二月
東巡守至於岱宗柴望五月至於南嶽八月至於西嶽十
有一月至於北嶽王制天子五年一巡守二月東巡守至
於岱宗柴而望其至於南於西於北其時皆如舜典則謂
是詩爲登岱而頌無不可而刻之於此固無不宜則夫經
石之名其有稱也夫。右般頌一章較金剛經字差小跋

字尤小竝真書勒石經左上跋末題壬戌之秋七月既望而無朝代名氏縣志云汪玉文論其子坦書楷法整飭與此實出一手且年月相符止距十數日意此亦坦書也

汪玉文論刻文未錄。默休居士汪玉著不肖男坦書孫禮約摹勒登石明嘉靖壬戌歲仲秋朔日。右竝真書勒經石峪左右坪上

高山流水亭記刻文曰余旣表泰山之巔掠秦麓而南下則憩曬經之石石廣可數畝遍刻梵經皆八分書大如斗不知何代所爲近有好奇者則刻大學聖經於上端以勝之余乃大書暴經石字皆博可六七尺刻深三寸垂不磨

分覽二

岱覽卷第十一

岱陽上

十四

果克山房

以助其勝北聳石巖皆斬截而成澗泉漫石而下以懸於空巖若垂萬珠焉余輒大書水簾字深刻之水澌澌淅淅字上字隱隱匿水中斯泰山之至奇觀也已乃穿澗水而西得石壁高約十五尺廣約四十尺夷出天成下擁石基余東向而立則水簾之泉泠泠出其左而桃柳數十株蔚蔚繞其右余遂倚石壁爲之亭亭悉以石石柱四直入石基其深尺有咫上覆以石版令永久登泰山者得憩息萬禩焉余嗜鼓琴輒顧從者曰夫是倚秦麓之壁也斯不亦高山乎夫是臨水簾之泉也斯不亦流水乎爲子援琴而弦之邀泰山之神聆廣陵之散若將巍巍乎志在高山也又

洋洋乎志在流水也是謂神品亦謂神解從者悅遂命之曰高山流水之亭。右隆慶六年冬督河南昌萬恭撰額曰高山流水竝真書李逢暘勒亭西石壁

崔應騏詩刻文曰曬經石上水簾泉誰挽銀河落半天殘月控鉤朝挂玉長風吹浪夜凝煙梵音濺沫高還下曲澗流雲斷復連逸勝具觴恣幽賞題詩愧乏筆如椽。右萬歷辛卯崔應騏撰草書勒石壁萬恭記左

于可久題名文曰山之勝全在石經峪與黃華洞曠遠清幽各極其至觀者多低回不能去雖余五斗吏俗冗作苦無濟勝之具而時從諸名人一欣賞當不令山靈笑否。

分覽二

岱覽卷第十一

岱陽上

五

果克山房

天啟乙丑季春州刺史晉人于可久題。右八分書勒亭東北巨石南向

石經峪題勒文曰水簾

暴經石萬恭肇窠書

枕流漱石

源頭活水二竝失名

泠然清韻孔聞詩

萬穎明珠

連標清磬于徐子

跳珠濺玉何起瑞

銘心洵慮釋

守訓經正李邦珍

人不點頭空設法石能暴腹也傳

經張有光

聽泉枕王審

濯纓處姜鏡已上竝真書

明李養正暴經石卽景二首天石突如雲小石平如掌不

見人行跡但聽泉流響一箇白石亭團團如玉闕待我

夜來時獨坐看新月

于慎行暴經石朝下天門闕夕憩暴經石此石自何年斜
倚萬仞壁壘嶂灑飛流匹練千餘尺水底玉篆分了然成
鳥跡其文乃上古讀之茫不識誰參雪竇禪未示金仙迹
綠池低寶樹宛見祥河出兀坐聽潮音洗耳心方寂

劉勣曬經石暴經自何年經文蝕欲半拂苔聊一讀苔痕
不可辨把酒坐其閒片片曇華亂苦海漫無涯何時識彼
岸

蕭協中石經峪石面何年鑿漫山盡梵經煙迷荒蘚積雲
逐亂流停說法嫌多事無生託有形三車雖載去畱以施
山靈

分覽二

岱覽卷第十一 岱陽上

五 果克山房

杜文同石經峪貝葉翻來石上天花雨自雲中妙解無言
可解無言乃見真空

國朝丁耀亢石經峪石腹濯寒溪劃然青裂帛隨地展方
稜高下界玉格黝然無字初勢已成鳥跡方圓有異相圭
珽雜爰戟鑽鑿古人心精神動仙釋苔痕潑墨瀟平如布
經席靈蛟拳秃尾鐵鷹刷健翮鉤分亂石皴影落寒潭碧
呵護有天龍山鬼皆辟易漱齒讀金經冷然竦魂魄

趙國麟經石峪坐高山流水亭酌山泉好事鑿山腹金經
字如斗何人刻聖訓角勝冠厥首吁嗟嗜奇者建亭謀不
朽援琴鼓成連怡情對花柳我來訪遺跡濯濯無所有水

剝石上字分隸成蚪蚪變滅感今昔金石寧云壽余二十時遊此

見大學字經三寸餘尚可讀今無一畫矣烹茶汲水泉嘅想魯中叟

黃錄經石峪衆壑應看此最深岱宗直下數千尋誰題梵字深溪裏故使溪聲作梵音

龍泉峯下有龍泉在水簾洞南三里上有高老橋盤道所經其水從西北山峽過此東注中谿橋名識初始人也重修者明嘉靖三十九年副使高捷亦其姓也泰山小史云橋接兩崖下鳴澗水四旁雜以櫻桃諸樹上有懸崖百丈飛瀑千尋稍紆徑而旁則茂竹滿山合圍古木不知其幾矣南有坊題橋名橋北山勢突起明置人祖殿今改三官廟攷古錄云泰分覽二

岱覽卷第十一

岱陽上

三

果克山房

山上有人祖廟不知何取三秦記驪山巔有人祖廟不齋戒而往卽風雨迷道長安志曰卽秦始皇祠蓋本史記所云祖龍者人之先也今臨潼志以始皇不應祀典改爲三皇廟噫虐政至中阪爲暴風雨所擊不得上封百世下淫昏之鬼反能風雨迷人耶改祠三官雖符籙繆悠之神猶無害義矣坊南有斗姥宮古龍泉觀也明嘉靖時德藩重建中谿逕其東軒又南爲順治時所建蘊亭故址又南爲桃源峪

明重修斗姥宮碑。右記嘉靖二十一年濟南陳調撰真書勒斗姥宮內

明蕭協中高老橋瀉崖噴壑響沖澗琪樹朱桃綠閒紅高

老無由稽故跡雲端千古見長虹

國朝徐恕高老橋浮嵐暖翠聳層霄躡屐人過高老橋兩岸溪聲流鶴澗一峯嶂影澹鮫綃飛雲夜宿仙人石野鳥晴穿羽客寮依約龍泉水西北中谿東注雨蕭蕭

先公石嶺先生遊岱雜記泰山石經峪西有三官廟故人祖殿也岱記人祖卽祖龍謂秦始皇宮里邨又有漢武廟秦皇漢武而有祠淫矣今秦皇廟旣改道觀而漢武廟猶頻修兒子仲冕輯邑志因命列其祠寺觀中盡刊其碑記不錄且於金石卷末著其義焉閱居易錄所引會稽舊記秦政與大禹仝廟王朗除之又楚州祠孫皓蔡州祠吳元

分覽二

岱覽卷第十一

岱陽上

壬

果克山房

濟常山狄道祠董卓杭州祠秦檜朗州祠梁松鄴祠石虎華容祠朱泚無爲和祠魏武又澧州有驩兜廟石室存焉噫何其多也凶人之所怵者身後耳亂賊殘忍之鬼而不餒是生而蠹民沒猶美報人心不泐滅殆盡哉作俑勦建者其皆草澤劇賊乎乃攷孫皓祠實宋孝宗乾道四年勅封亦謬甚矣狄梁公移項羽檄柳柳州毀鼻亭記高常侍適毀賊臣董卓廟議真文之足翼教化者居易錄又云某郡有盜跖廟今泰山下有廟不知何神相傳以爲蹠也余每至岱城觀和聖祠灌圮頽落狼藉苔通未嘗不泣然流涕

桃源峪一名桃花澗明鍾宇淳云二三月時巖谷開著花如綺遊者疑爲武陵桃源澗水縈紆匯爲碧泉夾澗多櫻桃菜竹曰櫻桃園每當清泉冽朱櫻然翠篔簹攢白袷四五人攜榼而來席草而坐揮觴劇飲彌日不倦夾岸雜樹蔚然竹籬雞犬成小聚落山頭落英繽紛如紅雨白十八盤而下對松山以幽峻勝御帳飛瀑以奇麗勝水簾洞石經峪以奧雋勝然皆岷巖淵谷若眼前脚底芳菲雜綴水石參差亦復清絕斯稱桃源峪矣南爲萬仙樓道出其下舊稱望仙明萬歷四十八年建上祀王母列仙中祀元君

皇上額曰景會羣真下有隱真洞紀勝云一天門歷萬仙樓

分覽二

岱覽卷第十一

岱陽上

五

果克山房

山折澗繞樹木葱然望之如重堂邃閣上通瑤府雖萬仞初步知其蘊藉獨深也峪南稍東爲黑石埠草木岑蔚中谿逕其西小洞天關焉

唐王大使等題名文曰大歷八年王大使因拜岳與韓補闕前建安□太守同遊張鍊師房道士卜□□記時十月十日○右真書勒桃源峪北石厓上左讀宋人從其右之空處題名連及左方遂爲所掩然細審之則泐者僅四字耳泰安縣志泰山圖志皆云張鍊師題名者以劉禹錫有送東嶽張鍊師詩時代相符當卽其人故特表而出之玩其文義自當以王大使爲主

宋張邦茂等題名六則文曰朝奉郎張邦茂宣德郎張權道觀主劉子諒宗紹聖二年十二月十三日同遊劉太和

書真書劉康叟紹聖丙子五月二十八日觀真書孺具

酒約文叔端夫子方應之真書回甄甫辛卯季夏十二日同

遊真書趙茂實曹世隆徒步到此政和甲午季夏十一日

真書長清董元康政和甲午仲秋日訪泉石因攜家飲此

質贄黃侍行行書左讀董元康遊甲午仲秋日真書左讀

○右題名並勒桃源峪東壁惟真書酒及董元康二則

字稍大辛卯蓋徽宗改元政和之年也

元楊世瑛題名文曰大元至正十八年二月初八日因為

分覽二

岱覽卷第十一 岱陽上 辛 果克山房

紅巾占據泰安州調遣淮南府真書元帥楊世瑛統兵一十

七府真書萬戶張田玉等將至真書名山真書遊觀到於泰

山崑內泉石之下古蹟可人真書筆姓名於石萬戶張田

玉李諒萬戶李玉真書知事胡長孫方回張榮祖真書右真書

勒桃源峪東壁

明胡一龍詩碑真書右碑崇禎元年草書碑陽碑陰各勒泰

山絕頂詩一首在萬仙樓下右側

峪石題勒文曰漸入佳境韓鎬中流砥柱陳甘雨二並

真書國朝趙國麟萬仙樓二首櫻桃正熟時蕭鼓喧清晝遊人

集萬山靈若馳驟仙人厭繁囂隱約棲巖竇冷泠石上
淙終古彈清奏 丹樓倚山椒云是仙居處澗水通瑤池
青鳥自來去

小洞天者泰山小史云西崖十丈爲遊人必經之路凡欲臨
此必循徑而下一壑曲繞茂林澗草森森蔓蔓仰視崖上人
趨走終日不輟真別有洞天矣谿內片石如几明甘應甲勒
小洞天三字其下有柳條灣飲馬灣石峽灣皆流水之審爲
淵也東爲箭竿峪水南流逕虎山北又東南繞明尙書蕭大
亨先塋側匯爲石馬灣過岱道邨呂仙橋入梳洗河邨中有
呂仙祠明萬歷時羽人心元子所建也心元韓姓棄家學道
分覽二

岱覽卷第十一

岱陽上

三

果克山房

結茆於此司訓胡光宇更修侍御宋燾記焉小洞天西南爲
大藏嶺其巔窳窳可屋故名其東趾亦有如之嶺陽爲紅門
明蕭協中小洞天未聞兜率至不見藥珠來水石絲簧奏
茵花錦繡開空中浮殿閣物外淨煙霾此卽眞蓬苑低徊
俗念灰

紅門在萬仙樓南卽大藏嶺之丹崖南闢者也由南天門下
一折爲小天門再折爲二天門三折而爲天關四折而爲紅
門皆相距數里若十餘里其中迴互無數殿宇林巒相望也
至紅門而南則尤花團錦簇旌旆飛揚矣然卽蒼翠中雙觀
巖立糊赭壤以飛文迴顧天門之上雲中宮闕層出際天赫

然形庭丹陛哉拾遺記云魏明帝初泰山下有連理文石高二丈狀如柏樹其文色彪發似雕鏤自上及下皆合而中開廣六尺父老云秦末二石相去百餘步蕪沒無徑及魏帝之始稍覺相近如雙闕也殆謂是與泰山小史云岱之南陔蒼翠層疊中有片石其形似門而色赤歷世不磨迤西爲垂刀山通志云宋大中祥符元年六月乙未泰山西南垂刀山上有紅紫雲氣漸成華蓋至地而散其日得天書於醴泉亭北在天書觀右垂刀以山石峭厲名西南鄆都峪俗名鬼兒峪元宮幽森朝曦罕到水南流逕金山北又西南入滌河其源委詳岱陽之西紅門東南爲一天門

分覽二

岱覽卷第十一

岱陽上

三

果克山房

元李簡鄆都峪石洞荒涼樹影孤州人相語是鄆都古碑猶說韓擒虎爲問於今尙有無

明蕭協中紅門瞻彼岱之陽奇蹟焚其麓怪石翳薜苔赭霞疑戶牖豈其祕寶函或以封仙錄勝地洵神房幢旆紛相逐願得此門開浮生無碌碌

國朝趙國麟紅門三首出郭四五里岳雲當面來一水出巨壑雙峯豁然開西峯懸丹戶石洞扃雲隈定有餐霞人長年臥綠苔凌晨登紅門霽色明朝旭俯視萬家煙平疇盡新綠雨後青山入眼明晨光乍啓翠微生半人濟勝拋筇杖腰笥初登郭索行

沈德潛紅門到頂五十盤紅門起初步回看下方人已在雲中住

一天門者自紅門迤東爲觀音閣舊名飛雲

皇上賜題曰普門圓應其東爲彌勒院故更衣亭也士夫登岱至此易袍屐焉今亭在其南觀音閣南爲元君廟道里記元君有上中下廟此其中廟也旁有且止亭明天啟六年僧興旺拓建康熙間建紅門坊顏曰瞻巖初步廟南爲天階坊明巡按高應芳題又南一坊羅洪先題孔子登臨處其西爲合雲亭雍正三年知州吳曙建

皇上賜亭額又南爲一天門坊明參政龍光題康熙丁酉巡分覽二

岱覽卷第十一

岱陽上

五

果克山房

撫李樹德重建此入盤道發軔所也爲坊跨道者四爲亭者二爲閣者一爲廟院者各一皆夾門左右巖關峻扃飛甍畫棟下擁丹麓上挹重霄如遊鈞天閭闔不待歷甲第堂皇而已愕眙於金鋪玉帀閭也明王在晉記云上一天門迴眸下盼薨綠成畦田分龜背半空雲盪萬井煙蒙山根牛馬皆成黑子矣稍下道西爲關帝廟

皇上額曰神威巨鎮廟東偏有憩亭及露方登者乘筍輿始此輿如竹兜長僅六尺許穹其坐處若弓柎置絡兩柎閒坐之昇夫以韋懸兩把負韋握把側足橫行磴上乘者無俛仰之苦雖薜蘿飈颭登且疾於徒手下則如飛矣由一天門南

下折而東爲王母池池北有小蓬萊亦勝境也

明第一山碑。右真書第一山三大字旁云巡按山東監察御史李復初偕參政吳章張臬副使張意吳道南僉事崔三畏登岱嶽之巔書在一天門右南向泰山金石攷云復初嘉靖閒洪洞人書法得顏柳之祕碑陰入雲有路四字隆慶時張口書蓋雲篆也近怪

重建一天門碧霞元君行宮碑。右碑于可久撰文洪邦基真書范廣篆額天啟六年三月勒元君殿東

一天門側題勒文曰天下奇觀楊可大登高必自翟濯

分覽二

岱覽卷第十一

岱陽上

書

果克山房

明袁宗泗一天門一入紅門界青崖杳靄中輕輿人倒輓絕磴路懸空直上山疑盡縈迴岫不窮巖巖頻在望今日始天通

蕭協中一天門天門初步路非遙城郭人民似可招自是登仙無委巷野袍山屐任脩脩

